

АРХАНГАЙ АЙМАГ ДАХЬ ЦАГДААГИЙН ГАЗРЫН  
2017 ОНЫ ХАГАС ЖИЛИЙН ҮЙЛ АЖИЛЛАГААНЫ ТАЙЛАН

2017 оны 06 дугаар  
сарын 15-ны өдөр

Цэцэрлэг хот.

Тайлангийн зорилго: Цагдаагийн газар нь 2017 онд Монгол улсын Засгийн газрын үйл ажиллагааны мөрийн хөтөлбөр, Хууль зүйн яам, Цагдаагийн байгууллагын шинэчлэлийн бодлого, дэвшүүлсэн зорилтыг хэрэгжүүлж, гэмт хэрэгтэй тэмцэх, нийтийн хэв журам хамгаалах, олон нийтийн аюулгүй байдлыг хангах ажлын арга, хэлбэрийг боловсронгуй болгох, олон нийт цагдаагийн хамтын ажиллагааг сайжруулах, цагдаагийн үйлчилгээг иргэдэд шуурхай, хүртээмжтэй хүргэх, алба хаагч бүрийн ажлын бүтээлч чанар, үр дүнг ахиулж, аюулгүй байдал, нийгмийн баталгааг хангах зорилт тавин ажиллаа.

*Нэг: Удирдлага, зохион байгуулалтын талаар*

- Монгол Улсын Их хурал, Засгийн газар, Хууль зүй, дотоод хэргийн яам болон дээд шатны байгууллагаас гаргасан хөтөлбөр, төлөвлөгөө, үүрэг, ажлын чиглэл болон холбогдох эрх зүйн баримт бичигт тусгагдсан ажил, арга хэмжээний хэрэгжилтийг хангах чиглэлээр; /хөтөлбөр, төлөвлөгөө холбогдох бусад баримт бичгийн хэрэгжилтийг гарган хүргүүлсэн байдал/

Цагдаагийн газраас Монгол улсын Ерөнхийлөгч, Улсын Их хурал, Засгийн газар, Хууль зүйн яам болон аймгийн Иргэдийн төлөөлөгчдийн хурал, Засаг дарга нараас гаргасан цагдаагийн байгууллагын үйл ажиллагаатай холбоотой шийдвэр, Цагдаагийн байгууллагаас дэвшүүлсэн зорилт, Цагдаагийн ерөнхий газрын дарга, удирдлагаас өгсөн үүрэг, даалгаврыг алба хаагчдад хүргэх, судлуулах, тайлбарлан таниулах, бие бүрэлдэхүүнийг шинэ мэдээ, мэдээллээр ханган тэдний мэдлэг боловсрол, мэргэжлийн ур чадварыг дээшлүүлэхэд үйл ажиллагаагаа чиглүүлэн ажиллав.

Цагдаагийн байгууллагын үйл ажиллагааны журмын “Цагдаагийн байгууллагын ажлыг төлөвлөх /код 108/ журам”-ын дагуу Цагдаагийн байгууллагаас 2017 онд дэвшүүлсэн зорилтыг хэрэгжүүлэх ажлын төлөвлөгөөг 3 бүлэг 22 заалт, Цагдаагийн ерөнхий газрын 2017 оны үйл ажиллагааны төлөвлөгөөнд төв, орон нутгийн цагдаагийн газар, хэлтсээс хийж гүйцэтгэхээр заагдсан заалтыг хэрэгжүүлэх 6 бүлэг 45 заалт, гэмт хэрэгтэй тэмцэх, нийтийн хэв журам хамгаалах, олон нийтийн аюулгүй байдлыг хангах, бүрэлдэхүүний сахилга ёс зүйг дээшлүүлэх тэдний дунд зохиох сургалт соён гэгээрүүлэх ажил, алба хаагчдын нийгмийн асуудал, ажлын байрны тохижилтыг сайжруулах зорилгоор цагдаагийн газрын үйл ажиллагааны төлөвлөгөө 6 бүлэг 91 заалт, дотоодын хяналт шалгалтын төлөвлөгөө 36 заалт, цагдаагийн газрын даргын зөвлөлийн хурлаар хэлэлцэх асуудлын төлөвлөгөө 35 заалт, албаны сургалтын төлөвлөгөө, соён гэгээрүүлэх ажлын төлөвлөгөө, хуваарь зэргийг боловсруулан цагдаагийн ерөнхий газраас ирүүлсэн “2017 онд хяналт шинжилгээ-үнэлгээ хийж, биелэлт үр дүнг тооцох баримт бичгийн жагсаалт”-д заагдсан Монгол улсын хууль тогтоомж, дээд шатны байгууллага, албан тушаалтны тогтоол, шийдвэр, тэдгээрийг хэрэгжүүлэхтэй холбоотой хөтөлбөр бүрийг хэрэгжүүлэх төлөвлөгөө гарган хэрэгжилтийг ханган заагдсан хугацаанд сар, улирал, хагас жилээр гарган хүргүүлэв.

Энэ оны хагас жилд Цагдаагийн ерөнхий газрын дарга, тэргүүн дэд дарга, дэд дарга, бусад албадын дарга нараас цагдаагийн байгууллагын үйл ажиллагаатай холбоотой ирүүлсэн үүрэг 26, даалгавар 2, ажлын чиглэл 65, зөвлөмж 11 нийт 103 албан бичгийг тухай бүрт нь нийт бие бүрэлдэхүүнд танилцуулж, ажлын төлөвлөгөө гаргах, сургалтын хөтөлбөр, төлөвлөгөөнд оруулан хэрэгжүүлэх зэрэг тодорхой ажлуудыг зохион байгуулан ажиллаа.

Хууль зүй, дотоод хэргийн сайдаас Архангай аймгийн Засаг даргатай 2017 онд хамтран ажиллах гэрээ болон тус цагдаагийн газрын даргатай байгуулсан үр дүнгийн гэрээнд цагдаагийн алба хаагчдыг орон байр, хүнс, тээвэр, холбооны хэрэгсэл, тоног төхөөрөмжөөр хангах, түүний гэр бүлийн гишүүдийг ажлын байр болон бусад нийгмийн асуудлыг шийдвэрлэх чиглэлээр 23 төрлийн саналыг тусгуулсан ба одоогоор цагдаагийн газарт туулах чадвар сайтай хөтөч автомашин 1 /Ландкрузер 200/, хурлын заалны засварт 15000000 төгрөг, хурд хэмжигч болон согтуурал хэмжигч, тандагч багаж, бэлэн бус торгуулийн төхөөрөмж худалдан авахад 30000000 төгрөгийг тус тус шийдвэрлүүлээд байна.

-Байгууллагын даргын зөвлөлийн хурлаар хэлэлцсэн асуудал, тушаалын тоо;

Цагдаагийн газрын даргын зөвлөлийн хурлаар хэлэлцэх асуудлыг урьдчилан бэлтгүүлж 12 удаа хуралдаж, 110 асуудал хэлэлцсэнийг ангилж үзвэл: албаны шалгалт, сахилга хариуцлагын талаар 18, тасаг албадын сарын ажил дүгнэх 5, нэгдсэн болон хэсэгчилсэн арга хэмжээний талаар 6, хүний нөөцийн чиглэлээр 29, дотоод аюулгүй байдлыг хангах чиглэлээр явуулсан хяналт шалгалтын дүнгийн талаар 6, тодорхой чиглэлээр зохион

байгуулж байгаа ажлын үр дүнгийн тухай сонсгол мэдээлэл 9, бусад 37 асуудлыг хэлэлцэж тус тус шийдвэр гаргасан ба зөвлөлийн хурлаас 20 үүрэг, даалгавар холбогдох алба хаагчдад өгч биелэлт үр дүнг тооцсон байна.

Тайлангийн хугацаанд цагдаагийн газрын даргын тушаалыг хүний нөөцийн чиглэлээр 55, үндсэн үйл ажиллагааны чиглэлээр 43 -ийг тухай бүрт төлөвлөн гаргасан байна.

Хүний нөөцийн чиглэлээр гаргасан тушаалыг ангилж үзвэл: Сарын ажлын үр дүнгийн 5, нэгдсэн болон хэсэгчилсэн арга хэмжээний дүн 4, алба хаагчдыг шагнах 11, сахилгын шийтгэл хүлээлгэх 9, ажлаас чөлөөлөх 3, шилжүүлэн томилох 12, цалин хөлс тогтоож олгох 4, алба хаагчид чөлөө олгож сургалтад хамруулах 2, үйлдвэрлэлийн сургалт дадлага зохион байгуулах 1, ажилд томилох 4 тушаал гаргасан ба үндсэн үйл ажиллагааны чиглэлээр гаргасан тушаалыг ангилж үзвэл: ажлыг хэсэг томилох 23, батлагдсан төсвийн зарцуулалтын чиглэлээр 1 бусад 19 -ыг тус тус төлөвлөн гаргаж биелэлтэд нь хяналт тавьж хэрэгжүүлэв.

Цагдаагийн газрын даргын зөвлөлийн хуралдаанаар 2017 онд хэлэлцэх асуудлын төлөвлөгөөний дагуу үндсэн ажил үүргийн гүйцэтгэл, ажлын хариуцлага, сахилга ёс зүйг сайжруулах чиглэлээр зохион байгуулсан ажлын талаар 3 тасгийн дарга, 3 ахлах байцаагч, 5 хэсгийн төлөөлөгчийн сонсгол мэдээллийг хэлэлцэж хугацаатай үүрэг даалгавар өглөө.

-Хүний нөөцийн талаар;

Цагдаагийн ерөнхий газрын даргын 2015 оны Б/279 дугаар тушаалаар нийт 129 алба хаагч ажиллаа.

Цагдаагийн байгууллагын хүний нөөцийн тэргүүлэх чиглэлийг оновчтой тодорхойлж, хүний нөөцийг бүрдүүлэх, хүний нөөцийн мэдээллийг удирдлагын шийдвэр гаргах хэрэгсэл болгох, хүний нөөцийн чадавхыг бэхжүүлэх сургалт, хөгжлийн бодлого боловсруулан хэрэгжүүлж, суралцагч байгууллага болох карьер хөгжлийн болон цалин хөлс, шагнал урамшууллын тогтолцоог ажлын бүтээмжийг дээшлүүлэх хөшүүрэг болгох, хүний нөөцийн чадавхыг нэмэгдүүлэх хэрэгсэл болгох үндсэн зорилго агуулсан Цагдаагийн ерөнхий газрын даргын 2015 оны Б/164 дүгээр тушаалаар батлан ирүүлсэн "Цагдаагийн байгууллагын хүний нөөцийн бодлогын баримт бичиг"-ийг үйл ажиллагаандаа мөрдөн ажиллаж байна.

Цагдаагийн газар нь үйл ажиллагаагаа иргэдэд шуурхай хүргэх, ил тод байлгах, оролцогч бүрийг ижил тэгш мэдээллээр хангах, асуудлыг шударгаар шийдвэрлэх зорилгоор цагдаагийн байгууллагад орж ажиллахаар хүсэлтээ гаргасан иргэдийг судлах, шалгаруулах, томилох, албан тушаал дэвшүүлэх, гадаад, дотоодод суралцуулах, шагнах, урамшуулах зэрэг сонгон шалгаруулах үйл ажиллагаатай холбогдолтой эрх зүйн актуудыг байгууллагын вэб хуудсанд байршуулснаар иргэд хүссэн үедээ шаардлагатай мэдээллийг чөлөөтэй авах боломжтой боллоо.

Цагдаагийн байгууллагад ажилд орохоор хүсэлт гаргасан иргэдийг Цагдаагийн байгууллагын үйл ажиллагааны журмын "Хүний нөөцийн бодлого хэрэгжүүлэх /код 900/ журам", "Хүний нөөцийг судлах, ажилд томилох /код 901/ журам"-ын дагуу эрүүл мэнд, бие бялдар, мэдлэг боловсрол, мэргэжлийн түвшин, ахуй амьдрал, амьжиргааны түвшин, ял шийтгэлийн байдлыг тогтоох зорилгоор судалгааны ажлыг чанартай явуулахад анхаарч "Цагдаагийн албанд ажилд орох, суралцахыг хүссэн иргэний бүрдүүлэх бичиг баримтын жагсаалт", "Алба хаагчийн хувийн хэрэгт бүрдүүлвэл зохих бичиг баримтын жагсаалт", "Цагдаагийн байгууллагад ажилд орохыг хүссэн иргэний тухай мэдээлэл", "Эрүүл мэндийн үзлэг", "Бие бялдарын шалгалт авсан тэмдэглэл", "Биечилсэн судалгаа хийсэн хүүхдийн болон хэсгийн байцаагчийн дүгнэлт" зэргийн загварыг боловсруулж, ой тогтоолт, сэтгэн бодох, монгол хэл бичиг, гадаад хэл, компьютерийн мэдлэгийн түвшинг тогтоох сорил, тестүүдийн нэр төрлийг олшруулж, судлагдаж буй иргэний боловсролын түвшин, ажлын байрны онцлог зэргээс хамааран сонгож ашиглах зэрэг удирдлага зохион байгуулалтын арга хэмжээ авч ажиллан цагдаагийн байгууллагад ажилд орох хүсэлт гаргасан 11 иргэний бүртгэснээс шаардлага шалгуур хангасан 6 иргэний материалыг Цагдаагийн ерөнхий газрын Хүний нөөц, сургалтын хэлтэст хүргүүлэн сонгон шалгаруулалтад хамруулсан.

Цагдаагийн газар нь сул орон тоо гарсан даруйд Төрийн албаны тухай хуулийн дагуу одоо ажиллаж байгаа алба хаагчдаас ажлын үр дүн, мэргэшлийн түвшингээр нь сонгон шалгаруулж томилох, цагдаагийн байгууллагад ажиллах хүсэлтээ гарган журмын дагуу судлагдаж, нөөцөд бүртгэгдсэн иргэдийн хувийн хэрэг, материалыг Цагдаагийн ерөнхий газрын Хүний нөөц, сургалтын хэлтэст хүргүүлж журмын дагуу шалгалтанд оруулж тэнцсэн иргэдийг зөвшөөрлийн дагуу томилох зэргээр хүний нөөцийн нөхөн хангалтыг хийж байна.

Цагдаагийн газар нь жил бүр алба хаагчдын "Төрийн алба хаагчийн үр дүнгийн гэрээ"-г дүгнэж үйл ажиллагааны үр дүн, мэргэшлийн түвшин, сахилга ёс зүйн байдлыг харгалзан "А" буюу "Маш сайн" үнэлгээ авсан алба хаагчдыг албан тушаал дэвшүүлэх буюу энэ тухай

саналыг Цагдаагийн ерөнхий газрын Хүний нөөц, сургалтын хэлтэст хүргүүлж нөөцөд бүртгэдэг.

Цагдаагийн газрын хүний нөөцийн судалгаа, алба хаагчдын үр дүнгийн үнэлгээ, ажлын үзүүлэлтийг харгалзан хэлтсийн болон нутаг дэвсгэр хариуцсан цагдаагийн байгууллагын даргын албан тушаалд дэвшүүлэх 1, тасгийн даргын албан тушаалд дэвшүүлэх 1, ахлах албан тушаалд дэвшүүлэх 4, ахлагч бүрэлдэхүүнээс офицерын бүрэлдэхүүнд оруулах нөөцөд 3 нийт 9 алба хаагчийн материалыг холбогдох газар хэлтэст хүргүүлсэн байна.

Томилолт:

Энэ хугацаанд цагдаагийн ерөнхий газрын даргын 2017 оны 03 дугаар сарын 16-ны өдрийн Б/126 дугаар тушаалаар Цагдаагийн ерөнхий газрын Хүний нөөц сургалтын хэлтсийн ахлах мэргэжилтэн, цагдаагийн дэд хурандаа Э.Золбаатар Архангай аймаг дахь цагдаагийн газрын даргаар, мөн даргын 2017 оны 05 дугаар сарын 26-ны өдрийн Б/231 дүгээр тушаалаар Баянзүрх дүүрэг дэх цагдаагийн гуравдугаар хэлтсийн эрүүгийн ахлах төлөөлөгч, цагдаагийн дэд хурандаа Б.Баасанжаргал тус газрын Дэд бөгөөд Эрүүгийн цагдаагийн тасгийн даргаар тус тус томилогдсон байна.

Шилжилт хөдөлгөөн:

Цагдаагийн ерөнхий газрын даргын 2017 оны 03 дугаар сарын 16-ны өдрийн Б/126 дугаар тушаалаар Архангай аймаг дахь цагдаагийн газрын дарга, цагдаагийн дэд хурандаа Т.Ганзориг Сүхбаатар аймаг дахь цагдаагийн газрын даргаар, мөн даргын 2017 оны 03 дугаар сарын 24-ний өдрийн Б/147 дугаар тушаалаар тус газрын Хэрэг бүртгэх, мөрдөн байцаах тасгийн дарга, цагдаагийн ахмад Г.Алтан-Очир Сонгинохайрхан дүүрэг дэх цагдаагийн хоёрдугаар хэлтэст Мөрдөн байцаах тасгийн даргаар, мөн даргын 2017 оны 05 дугаар сарын 26-ны өдрийн Б/231 дүгээр тушаалаар Дэд бөгөөд Эрүүгийн цагдаагийн тасгийн дарга, цагдаагийн хошууч Ш.Даваа-Эрдэнэ Сонгинохайрхан дүүрэг дэх цагдаагийн хоёрдугаар хэлтэст Дэд бөгөөд Эрүүгийн цагдаагийн тасгийн даргаар томилогдсон байна.

Байгууллагын дотоод шилжилт хөдөлгөөн:

Цагдаагийн ерөнхий газрын даргын тушаалаар нийт 5 алба хаагч / 2017 оны 03 дугаар сарын 16-ны өдрийн Б/115 тоот тушаалаар цагдаагийн дэслэгч Л.Эрхэмбаярыг Жаргалант сум дахь хэсгийн төлөөлөгчийн үүрэгт ажлаас чөлөөлж Булган сум дахь хэсгийн төлөөлөгчөөр, цагдаагийн ахмад Ж.Амгаланбаатарыг Хайрхан сум дахь хэсгийн төлөөлөгчийн үүрэгт ажлаас чөлөөлж Нийтийн хэв журам хамгаалах тасагт хэсгийн байцаагчаар, цагдаагийн дэслэгч Д.Цэнд-Аюушийг Булган сум дахь хэсгийн төлөөлөгчийн үүрэгт ажлаас чөлөөлж Хайрхан сум дахь хэсгийн төлөөлөгчөөр, цагдаагийн ахлах дэслэгч Э.Алтанбаатарыг Өлзийт сум дахь хэсгийн төлөөлөгчийн үүрэг ажлаас чөлөөлж Цэнхэр сум дахь хэсгийн төлөөлөгчөөр, цагдаагийн дэслэгч Д.Энх-Амгаланг Цэнхэр сум дахь хэсгийн төлөөлөгчийн үүрэгт ажлаас чөлөөлж Өлзийт сум дахь хэсгийн төлөөлөгчөөр тус тус шилжүүлэн, Мөн даргын мөн даргын 2017 оны 04 дүгээр сарын 20-ны өдрийн Б/171 дүгээр тушаалаар цагдаа зохицуулагч, цагдаагийн ахлах ахлагч Т.Жигжидсүрэн Жаргалант сум дахь хэсгийн төлөөлөгчөөр дэвшин, төрийн тусгай албан тушаалд орох иргэний нөөцөд авагдсан М.Даваадалайг тус газарт холбоо, мэдээллийн инженерийн албан тушаалд шинээр тус тус томилогдсон байна.

Цагдаагийн газрын даргын 2017 оны 03 дугаар сарын 14-ний өдрийн Б/23 дугаар тушаалаар эргүүлийн цагдаа, цагдаагийн ахлагч Б.Даваадоржийг мэдээлэл хүлээн авагч цагдаагаар, мөн өдрийн Б/24 дүгээр тушаалаар Хангай сум дахь хэсгийн цагдаа, цагдаагийн дэд ахлагч Ч.Эрдэнэбаярыг Хайрхан сум дахь хэсгийн цагдаагаар, Б/25 тоот тушаалаар Хайрхан сум дахь цагдаа зохицуулагч, цагдаагийн ахлагч М.Ариунболдыг Шүүх, шүүгчийн аюулгүй байдлыг хангах хэсэгт хамгаалалтын цагдаагаар, Б/26 дүгээр тушаалаар Хайрхан сум дахь хэсгийн цагдаа, цагдаагийн ахлах ахлагч Л.Ариунбаярыг Эрдэнэмандал сум дахь сум дундын цагдаагийн тасагт цагдаа жолоочоор, Б/27 дугаар тушаалаар Шүүх, шүүгчийн аюулгүй байдлыг хангах хэсгийн хамгаалалтын цагдаа, цагдаагийн ахлагч Ц.Мандухайг мэдээлэл хүлээн авагч цагдаагаар, Б/28 дугаар тушаалаар Эрдэнэмандал сум дахь хэсгийн цагдаа, цагдаагийн ахлагч Б.Алтанхуягийг Тариат сум дахь сум дундын цагдаагийн тасагт хэсгийн цагдаагаар, Б/29 дүгээр тушаалаар Эрдэнэмандал сум дахь сум дундын цагдаагийн тасгийн цагдаа-жолооч, цагдаагийн дэд ахлагч Т.Отгонбаатарыг Нийтийн хэв журам хамгаалах тасагт эргүүлийн цагдаагаар, Б/30 дугаар Тариат сум дахь сум дундын хэсгийн цагдаа, цагдаагийн ахлах ахлагч Г.Энхболдыг Нийтийн хэв журам хамгаалах тасагт эргүүлийн цагдаагаар, Б/36 дугаар тушаалаар эргүүлийн цагдаа, цагдаагийн ахлах ахлагч Г.Энхболдыг саатуулах байрны жижүүрийн цагдаагаар, эргүүлийн цагдаа, цагдаагийн дэд ахлагч Т.Отгонбаатарыг саатуулах байрны жижүүрийн цагдаагаар, саатуулах байрны жижүүрийн цагдаа, цагдаагийн ахлагч Д.Батбаатарыг мэдээлэл хүлээн авагч

цагдаагаар,саатуулах байрны жижүүрийн цагдаа, цагдаагийн дэд ахлагч Ш.Гунгааг эргүүлийн цагдаагаар, мэдээлэл хүлээн авагч цагдаа, цагдаагийн дэд ахлагч Э.Ганбаярыг эргүүлийн цагдаагаар, мэдээлэл хүлээн авагч цагдаа, цагдаагийн ахлагч Б.Даваадоржийг Батцэнгэл сум дахь хэсгийн цагдаагаар, Батцэнгэл сум дахь хэсгийн цагдаа, цагдаагийн дэд ахлагч Л.Санжиддоржийг Эрдэнэмандал сум дахь сум дундын цагдаагийн тасагт хэсгийн цагдаагаар тус тус шилжүүлэн, төрийн тусгай албан тушаалд орох иргэний нөөцөд Цагдаагийн ерөнхий газрын Хүний нөөц сургалтын хэлтсийн даргын 2017 оны 03 дугаар сарын 27-ны өдрийн 2017/53 дугаартай зөвшөөрлийг үндэслэн Б/37 дугаар тушаалаар Н.Эрдэнэбаярыг мэдээлэл хүлээн авагч цагдаагаар, мөн даргын 2017 оны 04 дүгээр 13-ны өдрийн 2017/71 дүгээр зөвшөөрлийг үндэслэн Б/40 дүгээр тушаалаар Г.Гоцбаярыг Хангай сум дахь хэсгийн цагдаагаар тус тус шинээр томилсон байна.

Албанаас халагдсан, чөлөөлөгдсөн байдал:

Энэ хугацаанд Цагдаагийн ерөнхий газрын даргын 2017 оны 03 дугаар сарын 16-ны өдрийн Б/123 дугаар тушаалаар ажлын байрны зорилго, зорилтоо хангалтгүй биелүүлсэн жижүүрийн офицер, цагдаагийн ахмад Б.Хүрэлшагайн “Цагдаагийн ахмад” цолыг хураан, тус газрын мэдэлд шилжүүлж, “Цагдаагийн ахлах ахлагч” цол олгосныг Б/48 дугаар тушаалаар Хайрхан сум дахь цагдаа зохицуулагчаар томилсон.

Шагнал урамшил:

Иргэдэд чирэгдэл учруулж, эрх ашгийг нь хөндөж хохироосон алба хаагч бүртэй хариуцлага тооцож, алба хаагчийг албан тушаал дэвшүүлэх, төрийн болон байгууллагын шагналаар шагнуулах санал гаргах, шагнах, цагдаагийн цол олгох асуудлыг хэлэлцэхэд тухайн алба хаагч хүний эрх зөрчиж иргэдийг чирэгдүүлж хүнд суртал гаргаж гомдоож байсан эсэхийг шалгуур үзүүлэлт болгож, алба хаагчдын ажлын үр дүнг цаг тухайд нь үнэлж дүгнэн, тэднийг шагнаж урамшуулах асуудлыг дэмжиж ажиллаа.

Тайлангийн хугацаанд 14 алба хаагчийн хугацааны цол, 1 алба хаагчийн хугацааны өмнө цол, 2 алба хаагчийн зэрэг дэв дээгүүр цагдаагийн цол, 28 алба хаагчид Цагдаагийн ерөнхий газрын “Цагдаагийн албаны төлөө” I, II, III дугаар зэргийн медалиар шагнуулахаар, 3 алба хаагчийг ЦЕГ болон холбогдох газар хэлтсийн шагналаар шагнуулахаар, 5 алба хаагчийн Төрийн одон “Цэргийн хүндэт медаль” –аар, 1 алба хаагчийн Хууль зүйн яамны “Хууль зүйн албаны тэргүүний ажилтан” тэмдгээр, 2 алба хаагчийг ЦЕГ-ын Замын цагдаагийн албаны “Осолгүй манлай жолооч” цол тэмдгээр шагнуулахаар, 2 алба хаагчид Цагдаагийн албаны тухай хуулийн 89 дүгээр зүйлийн 89.2-т заасны дагуу урамшил олгуулахаар нийт 58 алба хаагчийн шагналын материалыг цагдаагийн байгууллагын үйл ажиллагааны журамд заасны дагуу бүрдүүлэн холбогдох газар хэлтэст хүргүүлсэн. Энэ хугацаанд Цагдаагийн газрын хамт олноос энэ хугацаанд Монгол улсын төрийн дээд шагнал “Цэргийн хүндэт медаль”-аар 3 алба хаагч, “Хөдөлмөрийн хүндэт медаль”-аар 1, “Цагдаагийн алдар”, “Цагдаагийн гавьяа”-аар 1 алба хаагч шагнагдсан байна.

-Байгууллагын үйл ажиллагаа түүнийг сайжруулах чиглэлээр зохион байгуулсан ажил, арга хэмжээ;

Аймаг орон нутгийн хэмжээнд гэмт хэрэгтэй тэмцэх, нийтийн хэв журам хамгаалах, олон нийтийн аюулгүй байдлыг хангах, гэмт хэргээс урьдчилан сэргийлэх ажлыг эрчимжүүлж, үр дүнтэй зохион байгуулах зорилгоор “Мал мах, малын гаралтай түүхий эдийг худалдан борлуулах үйл ажиллагааг зохицуулах журам”, “Малчдын бүлэг нөхөрлөлийг ажиллуулах журам”, “Мал мах малын гаралтай түүхий эдийн гарал үүслийн гэрчилгээ, түүнийг хэрэгжүүлэх журам”, “Мал хулгайлах гэмт хэрэгтэй тэмцэх, урьдчилан сэргийлэх дэд хөтөлбөр” зэргийг хэрэгжүүлэхээр төслийг аймгийн Иргэдийн Тэргүүлэгчдийн хуралд батлуулахаар хүргүүлээд байна.

Тус газрын 2017 оны эхний хагас жилд Цагдаагийн ерөнхий газрын даргын 2014 оны 911 дүгээр тушаалаар батлагдсан “Мэдээллийн ил тод байдлыг хангах, сурталчлах /Код-135/ журам-ыг үйл ажиллагаандаа хэрэгжүүлэн дараах ажлыг зохион байгуулан ажиллаа.

Тус газраас энэ онд иргэдээс санал, хүсэлт хүлээн авах албан тушаалтны нэрс, өрөөний дугаар, утсыг ил харагдах газар байрлуулж, газрын удирдлага, тасгийн дарга, ахлахууд хуваарийн дагуу иргэдийг хүлээн авч санал, хүсэлтийг нь сонсон шийдвэрлэж, цагдаагийн газрын албан конторт үүрэг гүйцэтгэж байгаа алба хаагчдыг 2017 оны 01 дүгээр сарын 02-ны өдрөөс эхлэн хуваарьт оруулан “Угтах үйлчилгээ”-г хэрэгжүүлснээр цагдаагийн байгууллагын иргэдэд үйлчлэх үйлчилгээний чанар дээшилж, цагдаагийн газрын дотоод журам, дотоод аюулгүй байдал, сахилга дэг журамд хяналт тавьж байна.

Цагдаагийн газрын алба хаагчдыг иргэдэд хүнд суртал чирэгдэлгүй түргэн шуурхай, харилцааны өндөр соёлтой үйлчлэх нөхцлийг бүрдүүлэх зорилгоор газрын үүдний иргэдэд үйлчлэх хэсэгт “Санал хүсэлтийн дэвтэр”, “Санал авах хайрцаг”, үүдний мэдээллийн самбар зэргийг шинэчлэн шилэн дансны мэдээлэл, хүний нөөцийн сонгон шалгаруулалт, тендер

сонгон шалгаруулалт зэрэг мэдээллийг байршуулж, цагдаагийн алба хаагчийн хүнд суртал, авлига хээл хахуулийн талаарх мэдээллийг хүлээн авах ёс журам сахиулах эргүүлийн 98821102 утас, Цагдаагийн ерөнхий газрын 126 утасны дугаар бүхий зурагт хуудас зэргийг иргэдийн нүдэнд харагдахуйц газарт байрлуулж иргэдэд чиглэсэн төрөл бүрийн мэдээ мэдээллийг тогтмол явуулж байна.

Тус цагдаагийн газраас 2017 оны хагас жилд <http://arkhangai.police.gov.mn/> сайтын баяжилтыг шинэчлэх зорилгоор “ЦАХИМ БАЯЖИЛТ” хэсэгчилсэн арга хэмжээг 14 хоногийн хугацаатай зохион байгуулж нийт 37 нэр төрлийн мэдээлэлд дараах баяжилтыг хийж гүйцэтгэлээ.

Үүнд: Арга хэмжээний хүрээнд сайтын лого зургийн нягтаршлыг сайжруулж, урианы фонтыг өөрчилсөн мөн газрын нэрийн фонтыг сольж, 7033102 дугаарыг сайтын толгой хэсэгт харилцуурын хамт байршуулж үзэмжийг сайжруулсан. Архангай аймгийн нэгдсэн сайт <http://arkhangai.gov.mn/> болон хуулийн [legalinfo](http://legalinfo), шилэн дансны нэгдсэн систем <http://shilendans.gov.mn/org/784> сайтуудыг холбож сайтаас шууд хандах боломжуудыг нээж өгөв. “Бидний тухай” цэсэд цагдаагийн газрын даргын зурагт мэндчилгээг хоёр төрлөөр, цагдаагийн газрын даргын танилцуулга, зураг, цагдаагийн газрын түүх, төвийн болон орон нутгийн тасгуудын танилцуулга, зургийг шинэчлэн байршуулж “Ахлагчийн зөвлөл”, “Эмэгтэйчүүдийн зөвлөл”-ийн цэсийг шинээр нээж, “Мэдээ мэдээлэл” цэсэд цагдаагийн газрын цаг үеийн мэдээллүүдийг тухай бүр нь оруулж гэмт хэрэг, зөрчлийн статистик мэдээг 11 сар, 12 сарын мэдээг нөхөж оруулан 2017 оны 1,2,3,4,5 дугаар сарын мэдээг, “Тусгай зөвшөөрөл” цэсэд ял шийтгэлийн тодорхойлолт, тамга тэмдэг авах тухай, гэрээт харуул хамгаалалтын тухай, тусгай хэрэгсэл ашиглах тухай, “Хөдөлгөөний аюулгүй байдал” цэсэд тээврийн хэрэгсэл жолоодох эрх сэргээх, дуусгавар болох тухай, жолоодох эрхийн шалгалт авах журам замын хөдөлгөөний аюулгүй байдлын чиглэлээр хийсэн мэдээ, зурагт танилцуулга, иргэдээс гэмт хэргийн талаар төлбөртэй мэдээллийг, “Мэдээллийн ил тод байдал” хэсгийн “Хүний нөөц” цэсэд цагдаагийн байгууллагад орох хүсэлтэй иргэдийн анхааралд шалгалт авах журам, бүртгүүлэх тухай зар, “Үйл ажиллагаа” гэсэн цэсэд цагдаагийн байгууллагын 2016 онд хийж гүйцэтгэсэн ажлын тайланг, “Сэрэмжлүүлэг” хэсэгт замын хөдөлгөөний аюулгүй байдал болон малын хулгайн гэмт хэрэг, орон байрны хулгайн гэмт хэргээс урьдчилан сэргийлэх зорилгоор 3 шторк, Youtube хуудаснаа “Мэргэжил бүхэн сайхан” нэвтрүүлэг болон сэрэмжлүүлгүүдийг байршуулснаас гадна Цагдаагийн ерөнхий газрын Хэвлэл мэдээллийн төвийн ажилтантай холбогдож “Цасны баяр”, “Хөл бөмбөгийн тэмцээн”, “Гурвалсан гэрээ”, “Ахлагч нарын зөвлөгөөн” зэрэг мэдээллүүдийг зэргийг байршуулан онцлог мэдээллийг файлаар хэвлэл мэдээллийн төвөөр хүргүүлэн үйл ажиллагаагаа сурталчилж байна.

Мөн “Шилэн данс” хэсэгт шилэн дансны нэгдсэн системийг холбож өгснөөс гадна санхүүгийн холбогдолтой мэдээлэл, соёл, урлаг спортын мэдээнд цагдаагийн газраас зохион байгуулсан тэмцээн уралдаан, соён гэгээрүүлэх ажлыг тухай бүрт нь оруулж хэвшсэн.

-Эрх зүйн шинэтгэлийн хүрээнд хийсэн ажил, арга хэмжээ

Монгол Улсын Их Хурлаас 2017 оны 02 дугаар сарын 09-ний өдөр баталсан Цагдаагийн албаны тухай хууль /шинэчилсэн найруулга/, түүнийг дагаж батлагдсан бусад хууль, Замын хөдөлгөөний аюулгүй байдлын тухай хуульд өөрчлөлт оруулах тухай хууль, Согтууруулах ундаа хэтрүүлэн хэрэглэсэн этгээдийг албадан эрүүлжүүлэх тухай хуульд нэмэлт, өөрчлөлт оруулах тухай хуулийг алба хаагчдад шуурхай хүргэх, сургалт, сурталчилгааны ажлыг тасралтгүй зохион байгууллаа.

Шинэчлэн батлагдсан Цагдаагийн албаны тухай хууль, Цагдаагийн албаны тухай хуулийг дагаж мөрдөх тухай хуулиар тасаг албадын дарга нар хуулийн бүлэг хэсгийг хуваарилан хариуцсан тасгийн алба хаагчдад сургалт хэлбэрээр сурталчлан нийт давхардсан тоогоор 725 алба хаагчдад 13 удаа 13 цагийн сургалтыг зохион байгуулж 30 асуулт бүхий тестийг 4 удаа алба хаагчдаас шалгалт авч үр дүнг тооцлоо. Мөн цагдаагийн албаны тухай хуулийг иргэд, олон нийтэд сурталчлах ажлын хүрээнд орон нутгийн сумдад урьдчилан сэргийлэх чиглэлээр ажиллах, цагдаагийн газраас зохион байгуулсан “Нээлттэй хаалганы өдөр”-ийн арга хэмжээг зохион байгуулах, аймгийн Хуулийн хэлтсээс зохион байгуулсан сумдын Засаг дарга нарын сургалт зөвлөгөөн үед сургалт орох, хуулийн зүйл заалтаар гарын авлага бэлтгэн тараах зэргээр сурталчилж ажилласан байна.

Цагдаагийн ерөнхий газрын Захиргааны удирдлагын газрын даргаас хүргүүлсэн ажлын чиглэлийн дагуу Монгол Улсын Их Хурлаас баталсан Цагдаагийн албаны тухай хуулийн эх бичвэрт хүндэтгэл үзүүлж, хүлээн авах ёслолын ажиллагааг ахмад ажилтнууд, алба хаагчид, тэдний гэр бүл, хамтран ажилладаг аж ахуйн нэгж, байгууллага, иргэдэд зарлан мэдээлж, үзэж сонирхуулах ажлыг зохион байгуулан дээрх арга хэмжээнээс санаа авч тус цагдаагийн газарт Цагдаагийн албаны тухай хуулийг хүндэтгэлтэйгээр залж

байршуулан, 63 офицер, 64 ахлах бүрэлдэхүүнийг тангараг өргүүлж баталгаа авах ёслолын арга хэмжээг зохион байгууллаа.

Мөн Монгол Улсын Их Хурлаас баталсан бусад хуулиар тухай бүр хариуцсан алба хаагчид нийт бүрэлдэхүүн сургалт зохион байгуулсан.

-Төрийн болон төрийн бус байгууллагатай хамтран ажилласан тухай /гэрээ, санамж бичиг байгуулсан, хамтран ажилласан байдлын талаарх мэдээлэл/

Цагдаагийн газраас аймгийн Шүүх, Прокурор, Онцгой байдлын газар, Тагнуулын хэлтэс, Авто, тээврийн газар, Татварын хэлтэс, Шүүхийн шийдвэр гүйцэтгэх газар, Мэргэжлийн хяналтын газар, Байгаль орчин, аялал жуулчлалын газар, Шүүх шинжилгээний алба, Хүнс, хөдөө аж ахуйн газар, Гэр бүл хүүхэд залуучуудын хөгжлийн газар, Эрүүл мэндийн газар, Хөгжимт драмын театр, хэвлэл мэдээлэл зэрэг байгууллагуудтай 2017 онд хамтран ажиллах төлөвлөгөө, гэрээг үзэглэх арга хэмжээг зохион байгуулав.

Орон нутгийн цагдаагийн тасаг, хэсгийн төлөөлөгч нарын амьдрах, ажил үүрэг гүйцэтгэх нөхцлийг бүрдүүлэх, сумдын удирдлагын дэмжлэг туслалцааг сайжруулах зорилгоор оны эхнээс цагдаагийн газрын дарга, сумын Засаг дарга, хэсгийн төлөөлөгчийн дунд "Гурвалсан гэрээ" байгуулан хагас жилээр биелэлт үр дүнг тооцлоо.

"Хүүхэд ээ бахархан дуурайх хүн нь байя" хүүхдээ зодож шийтгэхгүй байх дэлхий нийтийн өдрийг тохиолдуулан Эрдэнэбулган сумын 4-р багийн "Хамтарсан баг", Японы хүүхдийг ивээх сантай, "Эцэг эхийн зөвлөгөөн"-ийг ЗДТГ, Гэр бүл хүүхэд залуучуудын хөгжлийн газар, Боловсрол соёл урлагийн газар, Эрдэнэбулган сумын ЗДТГ, ДЗМОУБ Архангай-1 ОНХХ байгууллагуудтай, "Гэр бүлийн хүчирхийлэлтэй тэмцэх, "Хүүхдийн эрх", "Хүүхэд хамгаалал"-н тухай хуулийн хэрэгжилтийг хангах зорилгоор "Хүчирхийллийн эсрэг хамтдаа" асуулт, хариултын "АХА" тэмцээнийг Эрдэнэбулган сумын 4-р багийн "Хамтарсан баг", Эрдэнэбулган сумын ГХУСАЗСЗөвлөл, Японы хүүхдийг ивээх сантай, "Хүүхэд хамгаалал" нэгдсэн арга хэмжээний хүрээнд олон улсын "Хүүхдийн эрхийг хамгаалах өдөр"-ийг тохиолдуулан "Хүчирхийллийн эсрэг тэрбумаараа нэгдэцгээе" арга хэмжээг "Флом" олон улсын байгууллагатай тус тус хамтран зохион байгуулжээ.

-Байгууллагын удирдлагад хандаж ирүүлсэн өргөдөл, гомдол шийдвэрлэлтийн талаар;

Тайлангийн хугацаанд аж ахуй нэгж байгууллага, иргэдээс цагдаагийн алба хаагчтай холбоотой 6 өргөдөл гомдолог хүлээн авсаныг төрлөөр нь авч үзвэл: хэрэг материал дутуу шалгасан 1, хээл хахууль, шан харамж авсан 1, бусдыг зодож, эрх чөлөөнд нь халдсан 1, ЭБШХ болон бусад хууль дүрэм зөрчсөн 3 зөрчилд 6 алба хаагч холбогдон шалгагдсан байна. Хүлээн авсан өргөдөл гомдлын 4 нь нотлогдоогүй, 2 нь нотлогдсон боловч хөөн хэлэлцэх хугацаа хэтэрсэн байсныг тухай бүрт бичгээр хариу өгсөн.

Алба хаагчид болон иргэдээс цагдаагийн газрын удирдлагад хандан 136 санал хүсэлт гаргасныг төрөлжүүлэн авч үзвэл: Ажилд орох суралцахыг хүссэн 38, ажилд дахин орохыг хүссэн 2, ажил, өөрчлөх шилжихийг хүссэн 12, захиргааны чөлөө хүссэн 80, бусад 4 өргөдөл хүсэлт байна. Хүлээн авсан өргөдөл хүсэлтийг цагдаагийн байгууллагын үйл ажиллагааны журамд заасны дагуу хүлээн авч шийдвэрлэн холбогдох алба хаагч иргэдэд хуулийн дагуу хариу өгч ажилласан байна.

-Нэвтрүүлсэн шинэлэг ажил, арга хэмжээ; -Судалгаа, дүн шинжилгээ хийсэн ажлын талаар;

Цагдаагийн байгууллагын үйл ажиллагааны "Цагдаагийн алба хаагчийн шинэ санал, санаачилгыг дэмжих /код 116/ журам"-ыг хэрэгжүүлж ажлын хүрээнд тус цагдаагийн газрын алба хаагчдаас 2017 оны хагас жилд Цагдаагийн алба хаагч, ажилтны гаргасан санал, санаачилга нь шинэлэг, амьдралд хэрэгжих бүрэн боломжтой, цаг хугацаа, төсөв санхүү, хүний нөөц, техник, технологийн зохих тооцоололтой байх нийтлэг шаардлагыг хангасан санал, санаачилгыг илтгэх хуудсаар нэгтгэн авч цагдаагийн газрын даргын зөвлөлийн хуралд танилцуулан хэрэгжүүлж эхлэв.

Тус цагдаагийн газраас 2017 оны хагас жилд алба хаагчдаас гаргасан санал, санаачилгыг хэрэгжүүлэх чиглэлээр ажиллаж байна. Гэмт хэрэгтэй тэмцэх чиглэлээр Мал хулгайлах гэмт хэрэгтэй тэмцэх журмуудыг боловсруулан Иргэдийн төлөөлөгчдийн хурлаар батлуулах, Гэмт хэрэг, зөрчлийн нөхцөл байдлыг судлан нийт 18 сум болон Эрдэнэбулган сумын 7 багийг хуваарилан "Хамтарсан баг"-ийг ахлан орон нутгийн хэсгийн төлөөлөгч, цагдаа нарыг ажлыг идэвхжүүлж хариуцсан багт үйлдэгдсэн гэмт хэрэг, зөрчлийг бууруулах, түдгэлзүүлсэн болон эзэн холбогдогч нь тогтоогдоогүй гэмт хэргийг илрүүлэх, алба хаагчдын нийгмийн баталгааг хангаж чиглэлээр: хүнсний ногоо тариалах, албаны хөнгөлөлттэй орон сууц барих, өндөр хүүтэй хугацаатай хадгаламж нээлгэх, албан өрөө тасалгааг засварлах, албаны байрны гадна болон дотоод засал, цэцэгжүүлэлт хийх, нэг загварын биеийн тамирын хослол захиалах, сахилга ёс зүйг сайжруулах, сургалт соён гэгээрүүлэх ажлын чиглэлээр:

“АРХАНГАЙ АЙМАГ ДАХЬ ЦАГДААГИЙН ГАЗАР” гэсэн хаалттай бүлгэм нээн жижүүрийн мөрдөн байцаагч, эрүүгийн төлөөлөгч нар хоногийн хугацаанд үйлдэгдсэн гэмт хэргийн алдагдсан эд зүйл, хүн, малыг эрэн сурвалжлах ажлыг шуурхай зохион байгуулах, цагдаагийн газрын албан конторт үүрэг гүйцэтгэж байгаа алба хаагчдыг 2017 оны 01 дүгээр сарын 02-ны өдрөөс эхлэн хуваарьт оруулан “Угтах үйлчилгээ”-г хэрэгжүүлснээр цагдаагийн байгууллагын иргэдэд үйлчлэх үйлчилгээний чанар дээшилж, цагдаагийн газрын дотоод журам, дотоод аюулгүй байдал, сахилга дэг журам, цагдаач ажиллагаанд хяналт тавих, цагдаагийн газрын ахлагч бүрэлдэхүүнийг Мягмар, Лхагва, Пүрэв гаригт улс орны гадаад, дотоод шинэ мэдээллээр нийт бүрэлдэхүүнд “Сонсгол”-ыг явуулж, тасгийн дарга, ахлах албан тушаалтныг Баасан гариг бүр хувь хүний болон байгууллагын соёл, хүн чанар, ажилд хандах хандлага, сэтгэлгээг өөрчлөх, стресс тайлах арга гэх мэт 5-10 минутын мэдээллийг тогтмол явуулах, бусад ажлын чиглэлээр: цагдаагийн газрын түүхт 80 жилийн ойн байрыг тохиолдуулан 80 ажлыг төлөвлөх, цагдаагийн газрын дуу, клиптэй болох зэрэг санал, санаачилгыг хэрэгжүүлэн ажиллаж байна.

-Бусад. /Удирдлага зохион байгуулалтын шинжтэй бүхий л ажил, арга хэмжээг тусгана/

Хашаат сумын Тарнын гүүрний зам тээврийн хяналтын төвийн барилгын засварын ажлыг дуусгахад шаардлагатай төсөв санхүүжилтийг шийдвэрлүүлэхээр танилцуулга, албан бичгийг удаа дараа холбогдох газруудад хүргүүлсний үр дүнд 18000000 төгрөгийн санхүүжилтийг Авто тээврийн үндэсний төвөөс шийдвэрлэхээр тендер сонгон шалгаруулалтын бэлтгэл ажлыг хангаж байна.

Аймгийн Онцгой байдлын газар нь Эрдэнэбулган сумын 7 дугаар багт шинэ байр барьж нүүсэн бөгөөд хуучин ашиглаж байсан байр нь одоогоор ашиглахгүй байгаатай холбогдуулан тус байгууламжийг цагдаагийн газрын хэрэгцээнд стандартын шаардлага хангасан эрүүлжүүлэх, баривчлах байр, гэр бүлийн хүчирхийллээс түр хамгаалах байр, гэрч, хохирогчийг хамгаалах байр, автомашины дулаан граж зэрэг бүхий л нөхцөлөөр ашиглах асуудлыг ЦЕГ-ын дарга, Санхүү, аж ахуйн албаны даргад танилцуулж Хууль зүйн яамаар дамжуулан Монгол Улсын Шадар сайдад уламжлан шийдвэрлүүлэхээр танилцуулга хүргүүлээд байна.

Цагдаагийн газрын удирдлагаас албадын үйл ажиллагааг сайжруулж, оршиж буй алдаа дутагдлыг засч арилгах, орон нутгийн цагдаагийн хэсгийн дарга, хэсгийн төлөөлөгч, цагдаа нарын ажлын хариуцлага сахилгыг дээшлүүлэх, мал хулгайлах гэмт хэрэгтэй тэмцэх, болзошгүй хууль бус үйл ажиллагаанаас урьдчилан сэргийлэх, олон нийт цагдаагийн хамтын ажиллагаа хөтөлбөрийг хэрэгжүүлэх ажлыг эрчимжүүлэх чиглэлээр 16 “Үүрэг, зааварчилга, зөвлөмж, ажлын чиглэл”-ийг бичиж, биелэлт үр дүнг нь тооцов.

Цагдаагийн алба хаагчийн өргөсөн тангараг, хуулиар хүлээсэн үүргээ нэр төртэй биелүүлж, 3 хүүхдийн алтан амийг аварч онцгой гавьяа байгуулсан Архангай аймаг дахь Цагдаагийн газрын Цахир сум дахь хэсгийн төлөөлөгч, цагдаагийн ахлах дэслэгч У.Баяртогтохыг Хууль зүй, дотоод хэргийн яамны “Цагдаагийн алдар” тэмдгээр, Цагдаагийн ерөнхий газрын “Цагдаагийн гавьяа” тэмдгээр тус тус шагналаа. Архангай аймаг дахь цагдаагийн газрын нийт алба хаагчид Цахир сумын нийт иргэд талархал илэрхийлж ажлын өндөр амжилт хүссэн.

*Хоёр: Гэмт хэрэгтэй тэмцэх, нийтийн хэв журам хамгаалах, олон нийтийн аюулгүй байдлыг хангах чиглэлээр*

*Гэмт хэрэг, зөрчилтэй тэмцэх, илрүүлэх чиглэлээр*

Тус цагдаагийн газар нь 2017 оны хагас жилд иргэд, байгууллага, аж ахуй нэгжээс гэмт хэргийн шинжтэй нийт 452 гомдол мэдээлэл хүлээн авсан нь урьд оны мөн үетэй харьцуулахад 3 буюу 0.6 хувиар буурсан байна. Дээрх гомдол мэдээллээс 208-д нь мөрдөн байцаагч, 124 -т нь хэрэг бүртгэгч нар хойшлуулшгүй ажиллагааг явуулан 208 гомдол мэдээлэлд эрүүгийн хэрэг үүсгэн, 241 гомдол мэдээлэлд эрүүгийн хэрэг үүсгэхээс татгалзаж 32 гомдол мэдээллийг үлдэгдэлтэй байна. Шалгасан гомдол мэдээллийн 188 буюу 41.5 хувийг 5 хоногт, 262 буюу 57.9 хувийг 5-19 хүртэл хоногийн хугацаанд шалгаж шийдвэрлэсэн бөгөөд дээрх гомдол мэдээллийн 103 буюу 22.7 хувийг бусдын бие мах бодид гэмтэл учруулсан, 112 буюу 24.7 хувийг бусдын эд хөрөнгийг хулгайлах үүнээс 47 буюу 10.4 хувийг мал хулгайлах, 51 буюу 11.2 хувийг иргэдийн өмчийн хулгай, 14 буюу 3.1 хувийг тээврийн хэрэгслийн хулгайн гомдол мэдээлэл, 42 буюу 9.2 хувийг хүний амь нас хохирсон үүнээс 10 буюу 2.2 хувийг замын хөдөлгөөний аюулгүй байдлын тухай хууль тогтоомж зөрчсөний улмаас хүний амь нас хохирсон, 31 буюу 6.8 хувийг золгүй байдлаар нас барсан гомдол мэдээлэл бүртгэгджээ.

Энэ онд бүртгэгдэх үедээ сэжигтнээр тооцогдвол зохих этгээд нь тогтоогдоогүй 97 хэргээс 57 хэргийг илрүүлсэн нь урьд оны мөн үетэй харьцуулахад 9.3 хувиар буурсан ба

58,8 хувьтай байна.

2017 оны хагас жилд 215 хэрэгт шинээр дугаар авсан бөгөөд эрүүгийн хэргийг өнгөөр нь авч үзвэл хөнгөн хэрэг 99, хүндэвтэр 108, хүнд 7, онц хүнд 1 хэрэг бүртгэгдээгүй байна. Урд оны үлдэгдэл 45, түдгэлзүүлснээс сэргээн шалгасан 51, шинээр дугаар авсан 215 нийт 312 хэрэгт хэрэг бүртгэлт, мөрдөн байцаалт явуулснаас 90 буюу 28.8 хувийг яллах дүгнэлт үйлдүүлэхээр, 108 буюу 34.6 хувийг хэрэгсэхгүй болгох, 26 буюу 8.3 хувийг нэгтгэн шийдвэрлэж одоо ажиллагаанд мөрдөн байцаалтын 36 хэрэг бүртгэлтийн 13 хэргийн үлдэгдэлтэй байна.

- Хэрэг бүртгэх, мөрдөн байцаах чиглэлээр:

Хагас жилийн байдлаар Эрүүгийн байцаан шийтгэх хуулийн 205 дугаар зүйлд заасан үндэслэлээр түдгэлзүүлсэн нийт 107 хэрийг тус аймгийн прокурорын газартай хамтран тоолсон нь өмнөх оны мөн үетэй ижил үзүүлэлтэй байна. Мөрдөн байцаалтаар 90, хэрэг бүртгэлтээр 17 хэргийг тоолж хамтарсан багуудад хэргүүдийг хуваарилан, илрүүлэх, шийдвэрлэх чиглэлээр хэрэг бүртгэх, мөрдөн байцаах тасгийн даргаас алба хаагч нарт үүрэг, ажлын чиглэл өгч үр дүнг тооцон ажиллажээ.

Тухайлбал дээрх арга хэмжээнүүдийн хүрээнд Монгол Улсын ЭБШХ-ийн 205 дугаар зүйлийн 205.1.2-т заасан үндэслэлээр түдгэлзүүлсэн 4, мөн хуулийн 205 дугаар зүйлийн 205.1.1-т заасан үндэслэлээр түдгэлзүүлсэн 4 хэрэгт сэрдэгдсэн этгээдүүдийг олж тогтоон баривчилж, бүртгэгдэх үедээ сэжигтнээр тооцогдвол зохих этгээд нь тогтоогдоогүй 97 хэргээс 57 хэргийг илрүүлэн ажиллажээ.

Гэмт хэргийн улмаас иргэд, байгууллагад нийт 570.100.000 төгрөгийн хохирол учирснаас 438.500.000 сая төгрөгийн хохирлыг нөхөн төлүүлсэн нь нийт хохирлын 76.9 хувийг эзэлж байгаа бөгөөд энэ нь урьд оны мөн үетэй харьцуулахад 36 хувиар өссөн дүнтэй байна. Хэрэг бүртгэлт, мөрдөн байцаалтын явцад сэжигтэн, яллагдагчийн 55.1 сая төгрөгийн нуугдмал өмч, хөрөнгө эд зүйлсийг битүүмжилсэн байна.

Цагдаагийн газраас 2017 оны хагас жилд аймаг орон нутгийн эрүүгийн болон хэв журмын нөхцөл байдалд дүгнэлт хийж, тодорхой төрлийн гэмт хэрэг, эрх зүйн зөрчилтэй тэмцэх, урьдчилан сэргийлэх, албадын хамтын ажиллагааг сайжруулах зорилгоор улсын хэмжээнд болон орон нутгаас зохион байгуулсан “Сар шинэ-2017”, “Түдгэлзүүлсэн хэрэг”, “Хяналт”, “Шийдвэрлэлт 2017”, “Ноолуур 2017”, “Цохилт 2017”, “Хот хоорондын хяналт шалгалт”, “Халтиргаа” зэрэг 8 ерөнхий, “Хохирол Хөрөнгө битүүмжлэх ажиллагаа”, “Ломбард”, “Хулгай”, “Илрүүлэлт”, “Хурд хамгаалах бүс”, “Гэрэлтүүлэх хэрэгсэл”, “Согтуу”, “Эрхийн үнэмлэх”, “Ачаа тээвэр”, “Төгсөлт” зэрэг 10 тусгай, нийт 18 арга хэмжээг төлөвлөгөө удирдамжийн дагуу 7-30 хоногийн хугацаагаар зохион явуулж арга хэмжээнд тус газрын гэмт хэрэгтэй тэмцэх, нийтийн хэв журам хамгаалах, хөдөлгөөний аюулгүй байдлыг хангах, төвийн алба хаагчид болон бүх сумдын хэсгийн төлөөлөгч цагдаа нар үүрэг гүйцэтгэлээ.

Судалгаа хяналтын санд *субъектийн бүртгэлд*: гэр бүлийн хүчирхийлэл үйлдэгч 28, архаг архичин 11 субъектийг бүртгэж картыг маягтын дагуу бичиж санд баяжилт хийв.

- Эрүүгийн цагдаагийн албаны чиглэлээр;

Эрүүгийн цагдаагийн тасаг нь 2017 оны 2 дугаар улирлын байдлаар нууц далд аргаар, бүлэг зохион байгуулалттайгаар үйлдэгдсэн гэмт хэрэг болон хэрэг бүртгэлт, мөрдөн байцаалт, прокурорын шатнаас оргон зайлсан сэжигтэн, яллагдагч, түүнчлэн гэмт хэрэгт сэрдэгдсэн этгээдүүдийн талаар мэдээ мэдээлэл цуглуулан баримтжуулан шалгаж ажилласнаар 101 холбогдогчтой, 571.0 сая төгрөгийн хохиролтой 106 хэрэг үйлдлийг илрүүлжээ. Үүнээс эрүүгийн хэрэг үүсгүүлэн шалгуулахаар 41, нөхөн илрүүлсэн 65 хэрэг үйлдлийн материалыг хэрэг бүртгэх, мөрдөн байцаах тасагт тус тус шилжүүлсэн байна.

Тус цагдаагийн газраас 2017 оны хагас жилд хулгайлах төрлийн гэмт хэргийн нөхцөл байдалд үндэслэн “Хяналт” “Хулгай”, “Оргодол”, “Ломбард” “Түдгэлзүүлсэн хэрэг-45” хоногийн аян, “Сар шинэ-2017”, “Шийдвэрлэлт-2017” зэрэг арга хэмжээний хүрээнд 7 ажлын хэсгийг, авто машинтайгаар Улаанбаатар хот, Дархан, Орхон, Булган, Баянхонгор, Өвөрхангай аймгууд болон аймгийн бүх сум орон нутгийн чиглэлд 7243 км замд 1543 литр шатах, тослох материал зарцуулан орон байрны хулгайн эрүүгийн дугаартай 10 хэргийн эд мөрийн баримт болох хулгайд алдсан эд зүйлийг ломбардад зарагдсан байсныг илрүүлж ЭБШХ-ийн 205 дугаар зүйлийн 205.1.2-т заасан үндэслэлээр түдгэлзүүлсэн 2, мөн хуулийн 205 дугаар зүйлийн 205.1.1-т заасан үндэслэлээр түдгэлзүүлсэн энэ оны болон урд оны 4 хэргийг нөхөн бүртгэгдэх үедээ эзэн холбогдогч нь тогтоогдоогүй 19 хэргийг илрүүлж, гэмт хэрэгт сэрдэгдсэн 6, оргодол этгээд 3 олж тогтоон баривчилж ажилласан байна.

*Түдгэлзүүлсэн хэргийг илрүүлж шийдвэрлэх, хүн эд зүйлийг эрэн сурвалжлах, АСАП сангийн үйл ажиллагаа:*

2017 оны хагас жилийн байдлаар Эрүүгийн байцаан шийтгэх хуулийн 205 дугаар зүйлд заасан үндэслэлээр түдгэлзүүлсэн 52 хэргийг сэргээн шалгасан нь урьд оны мөн үетэй



харьцуулахад 20 буюу 27,7 хувь үзүүлэлттэй байна. Мөн урьд оны болон энэ онд түдгэлзүүлсэн нийт 110 хэргийн үлдэгдэлтэй байгаа нь урд оны мөн үетэй харьцуулахад ижил түвшинд байна.

Тус цагдаагийн газраас 2017 онд эрэн сурвалжлах "ASAP" сангийн бүрдүүлэлт, ашиглалт, эрэн сурвалжлах ажлын чиглэлээр хийж гүйцэтгэсэн ажлын тайланг 2017 оны 01 дүгээр сард цагдаагийн газрын даргын зөвлөлийн хурлаар авч хэлэлцэн дүгнээд тайлангийн хугацаанд ажлын үр дүн сайн ажилласан алба хаагчдын сарын үндсэн цалинг 5% хүртэл хувиар нэмэх, идэвх санаачилгагүй, хангалтгүй ажилласан алба хаагчдын сарын үндсэн цалинг 5 % хүртэл хувиар хасаж арга хэмжээ тооцсон бөгөөд цаашид эрэн сурвалжлах чиглэлээр анхаарах асуудлын талаар газрын даргаас үүрэг чиглэл өгч, нийт алба хаагчдад цагдаагийн газрын даргаас 01 дугаартай албан даалгавар, дэд даргаас №03, №07 дугаартай зааварчилга, үүрэг, ажлын чиглэл өгч биелэлт, үр дүнг тооцон тухай бүр тооцон ажиллаж байна.

Тайлангийн хугацаанд эрэн сурвалжлах ASAP санд нийт 72 мэдээлэл зарлан мэдээлж ажилласан ба үүнээс сураггүй алга болсон хүн 6, оргодол болон гэмт хэрэгт сэрдэгдсэн этгээд 23, хэн болох нь тогтоогдоогүй цогцос 0, мал амьтан 11, тээврийн хэрэгсэл 3, эд зүйл-21, шүүхээс даалгасан бусад хүн 8-ыг тус тус санд оруулан ажилласнаас 2017 оны эхний хагас жилийн байдлаар тус цагдаагийн газар нь сураггүй алга болсон хүн 6, оргодол болон гэмт хэрэгт сэрдэгдсэн этгээд 21, мал амьтан 8, тээврийн хэрэгсэл 4, эд зүйл 9, шүүхээс даалгасан бусад хүн 4-ыг тус тус олж тогтоон 2017 онд зарлан мэдээлсэн 28, урьд онд зарлан мэдээлсэн 19 нийт 47 маягтын эрэн сурвалжлалтыг зогсоож ажиллаа. Эрэн сурвалжлагдаж байгаа хүн, мал амьтан, эд зүйлийн мэдээллийг санд зарлан мэдээлэл эрх бүхий алба хаагч нарт тухай бүр мэдээллийг санд бүрэн оруулж хэвшүүлэх, санд орсон мэдээлэлтэй тогтмол танилцаж байх чиглэлээр албадын дарга, алба хаагч нарт зөвлөмж 1, зааварчилга 3-г хүргүүлэн эрэн сурвалжлах санд алдаатай оруулсан мэдээллийг тухай бүр хариуцсан тасгийн дарга нар хянаж илэрсэн зөрчлийг засаж, дахин давтан зөрчил гаргахгүй байх чиглэлээр тогтмол хяналт тавьж ажиллаж байна.

Тус цагдаагийн газрын төвийн болон орон нутгийн 120 алба хаагчид жижүүрийн шуурхай бүрэлдэхүүнд гэмт хэргийн шинжтэй дуудлага мэдээлэл ирсэн тохиолдолд шаардлагатай хүн, мал амьтныг эрэн сурвалжлах "ASAP" санд цаг алдалгүй оруулж байх, захиргааны зөрчилд холбогдон шалгагдаж байгаа этгээдийг эрэн сурвалжлагдаж байгааг сангаас шүүх талаар 3 удаа 6 цагийн дадлага, онолын сургалтыг зохион байгууллаа.

Тайлангийн хугацаанд төв, орон нутгийн цагдаагийн газар, хэлтсүүдээс эрэн сурвалжлах "ASAP" сангаар Баянгол дүүрэг дэх цагдаагийн 2-р хэлтсээс эрүүгийн 201401010364 тоот эрэн сурвалжилж байсан Сүхбаатар овогтой Дүгэржавыг Ихтамир сумын хэсгийн төлөөлөгч, цагдаагийн дэслэгч Ц.Батболд олж тогтоон харьяалах албанд хүлээлгэн өгч ажилласан.

*Мал хулгайлах гэмт хэрэгтэй тэмцэх талаар:*

Аймгийн хэмжээнд 2017 оны эхний 5 сарын байдлаар 215 гэмт хэрэг бүртгэгдсэнээс 91 буюу 42,3 хувийг хулгайлах төрлийн гэмт хэрэг, үүний 32 буюу 35,1 хувийг мал хулгайлах гэмт тус тус эзэлж байна.

Малын хулгайн бүртгэгдсэн 32 гэмт хэргийн 29 буюу 90,6 хувийг бүртгэгдэх үедээ сэжигтнээр татагдвал зохих этгээд нь тогтоогдоогүй хэрэг шалгагдаж, илрүүлэлт 51,9 хувьтай байгаа нь өнгөрсөн оны мөн үеэс 6,4 хувиар буурсан үзүүлэлттэй байна.

2017 оны 05 дугаар сарын байдлаар тус аймгийн хэмжээнд ЭБШХ-ийн 205.1.1-д заасан үндэслэлээр түдгэлзүүлсэн 15 хэрэг, ЭБШХ-ийн 205.1.2-т заасан үндэслэлээр түдгэлзүүлсэн 2 хэрэг хэрэг байна. Урьд оны болон энэ оны дугаартай түдгэлзүүлсэн хэргээс 6 хэргийг сэргээн шалгаж ажилласан.

Архангай аймгийн "Хасу" худалдааны төвд махны худалдаа эрхэлж байгаа ченж нарын үйл ажиллагаанд хяналт тавих зорилгоор Улаанбаатар хот руу мах, мал тээвэрлэх үед гарал үүслийн бичгийг нядалсан малын толгойн зурагтай үзэж тулган шалгаж бүртгэлд хамруулан явуулж байна.

Аймгийн хэмжээнд үйлдэгдэж байгаа мал хулгайлах гэмт хэрэгтэй тэмцэх, урьдчилан сэргийлэх ажлыг эрчимжүүлэх, Хүнс хөдөө аж ахуйн газраас баталсан мал хулгайлах гэмт хэрэгтэй тэмцэх малчдын сайн дурын үүсэл санаачилгаар "Малчдын бүлэг, нөхөрлөл байгуулах үлгэрчилсэн дүрэм"-ийн хэрэгжилтийг сайжруулах чиглэлээр дэд даргаас 3 удаа зааварчилгааг сум дундын цагдаагийн тасгийн дарга, сумдын хэсгийн төлөөлөгч нарт хүргүүлж 2 удаа сургалт зохион байгуулсан.

Аймгийн Цагдаагийн газрын дарга, давж заалдах шатны шүүхийн шүүгч, Прокурорын газрын дарга, Иргэдийн хурлын нарын бичгийн дарга, аймгийн Цагдаагийн газрын олон нийттэй харилцах ахлах байцаагч, мал хулгайлах гэмт хэрэгтэй тэмцэх хэсгийн дарга нар

аймгийн Иргэдийн төлөөлөгчдийн хурлын даргын баталсан удирдамж, төлөвлөгөөний дагуу 2017 оны 05 дугаар сарын 15-аас 17-н, 2017 оны 06 дугаар сарын 02-оос 04-ийг хүртэл хугацаанд нийт 12 сумдад шалган зааварчлах чиглэлээр ажиллах хугацаанд сумдын багийн дарга нартай биечлэн уулзаж “Малчдын бүлэг”, “Хөршийн холбоо” байгуулах чиглэлээр яриа таниулга хийж, иргэдтэй хийсэн уулзалт, сургалтын үеэр мал хулгайлах гэмт хэргийн талаар мэдээ мэдээлэл авах, иргэдээс гаргасан асуултад зөвлөгөө өгч ажилласан.

Мал хулгайлах гэмт хэрэгтэй тэмцэх, урьдчилан сэргийлэх чиглэлээр аймгийн хэмжээнд нийтээр дагаж мөрдөх “Мал, мах, малын гаралтай түүхий эдийг худалдан борлуулах үйл ажиллагааг зохицуулах” журмын төслийг шинэчлэн боловсруулж аймгийн ИТХ-д хүргүүлсэн.

Цагдаагийн ерөнхий газрын тэргүүн дэд даргын баталсан “Гэмт хэргээс урьдчилан сэргийлэх 45 хоногийн хугацаатай ажлын” төлөвлөгөөний хүрээнд Эрдэнэбулган сумын мал эмнэлгийн мэргэжилтэн, аймгийн хүнс хөдөө аж ахуйн газрын халдварт өвчин судлал хариуцсан их эмч нарыг оролцуулан аймгийн төвд үйл ажиллагаа явуулж байгаа “Хасу”, “Малчны” захуудад хувиараа мал, махны худалдаа эрхэлж байгаа иргэд ченжүүдийг аймгийн Засаг даргын тамгын газрын иргэний танхимд малын хулгайн гэмт хэрэг үйлдсэн этгээдүүдэд хүлээлгэх хариуцлагын талаар сургалт, яриа таниулга хийж, тэдний санал хүсэлтийг авч ажилласан.

Цагдаагийн газрын даргын баталсан удирдамж, төлөвлөгөөний дагуу мал хулгайлах гэмт хэрэгтэй тэмцэх чиглэлээр “Цохилт-2017” хэсэгчилсэн арга хэмжээг 2017 оны 04 дүгээр сарын 15-аас 2017 оны 6 дугаар сар 20-ыг хүртэл хугацаанд зохион байгуулж малын хулгайн гэмт хэргийг илрүүлэх, мэдээ мэдээлэл шалгах чиглэлээр мал хулгайлах гэмт хэрэгтэй тэмцэх хэргийн даргаар ахлуулсан ажлын хэсэг Цэнхэр, Төвшрүүлэх, Хотонт, Өгийнуур, Хашаат, Батцэнгэл сумын чиглэлд 4 удаа албан томилолтоор ажиллаж бүртгэгдэх үедээ яллагдагчаар татагдвал зохих этгээд нь тогтоогдоогүй 16 хэргийг нөхөн илрүүлж, ASAP сангаар эрэн сурвалжлагдаж байсан 1 оргодол, сэрдэгдсэн этгээдээр эрэн сурвалжлагдаж байсан 1 иргэний хаяг байршлыг тогтоож дайчлан баривчилж хэрэг бүртгэх, мөрдөн байцаах тасагт шилжүүлэн ажиллаж байна.

-Замын цагдаагийн албаны чиглэлээр;

Замын хөдөлгөөний аюулгүй байдлыг хангах чиглэлээр тус Цагдаагийн газрын алба хаагчид хяналт шалгалтаар нийт 19452 тээврийн хэрэгсэл шалгаж зөрчилтэй 5711 жолоочийг 160,214,400 төгрөгөөр торгож газар дээр нь шийдвэрлэн арга хэмжээ авсан ба Замын хөдөлгөөний аюулгүй байдлын тухай хуулийн 26.1-ээр 72 жолоочийг 17.280.000 төгрөгөөр, мөн хуулийн 27.1-өөр 164 жолоочийн тээврийн хэрэгсэл жолоодох эрхийг 6 сараас 2 жилийн хугацаагаар хасаж 87.720.000 торгож, эрхийн үнэмлэхгүйгээр согтуугаар тээврийн хэрэгсэл жолоодсон 75 жолоочийг сум дундын шүүхээр 7-30 хоногийн хугацаагаар баривчлуулж зөрчлийг арилгах боломжгүй, цаашид хөдөлгөөнд үргэлжлүүлэн оролцох боломжгүй 416 тээврийн хэрэгслүүдийг түр саатуулж ажилласан байна.

Өвөрхангай аймгийн Цагдаагийн газраас Хархорин суманд зохион байгуулсан хангайн бүсийн Цагдаагийн газруудын дунд зохион байгуулагдсан зөвлөгөөн, спортын наадмын арга хэмжээний хүрээнд “Аймгийн хэмжээнд зам тээврийн ослоос урьдчилан сэргийлэх чиглэлээр зохион байгуулж байгаа ажил, нөхцөл байдал, цаашид хэрэгжүүлэх ажил” сэдвээр сонголт мэдээлэл хийж цаашид хамтран зам тээврийн осол хэргээс урьдчилан сэргийлэх, хяналт шалгалтыг эрчимжүүлэх чиглэлээр санал бодлоо солилцлоо.

Замын хөдөлгөөний аюулгүй байдал, ашиглалтын журмын эсрэг гэмт хэрэг, ослоос урьдчилан сэргийлэх зорилгоор 2017 онд зохион байгуулах нэгдсэн болон сэдэвт арга хэмжээний хуваарийн дагуу “Сар шинэ 2017”, “Хурд хамгаалах бүс”, “Хот хоорондын хяналт шалгалт”, “Гэрэлтүүлэх хэрэгсэл”, “Согтуу”, “Эрхийн үнэмлэх”, “Ачаа тээвэр” зэрэг нэгдсэн болон хэсэгчилсэн арга хэмжээг зохион байгуулсан байна.

Тус тасгаас гэмт хэргээс урьдчилан сэргийлэх чиглэлээр нэгдсэн болон хэсэгчилсэн арга хэмжээг аймгийн төв болон сумдад давхардсан тоогоор 12 удаа, зам тээврийн осол ихээр гардаг хар цэгүүдийн судалгаанд авагдсан болон хот хоорондын замд хөдөлгөөнт эргүүлийг 14 удаа зохион байгуулж, гэмт хэрэг зөрчлийн шалтгааныг арилгуулах, замын зохион байгуулалтыг сайжруулах талаар мэдэгдэл шаардлага 8 аж ахуйн нэгжид хүргүүлж, 8 буюу 100 хувьд нь хариуг авчээ.

Эрдэнэбулган 1 дүгээр баг Цагаан даваанд 2017 оны 04 дүгээр сарын 03-04 өдрүүдэд зам цаг агаарын нөхцөл байдлаас шалтгаалан халтиргаа үүссэнийг замыг түр хугацаанд хааж аймгийн АЗЗА, ТӨХК-ний цэвэрлүүлэх ажлыг шуурхай зохион байгуулж хөдөлгөөний аюулгүй байдлыг хангуулсны дараа нээж ажилласан байна.

Монгол улсын Хөдөлмөрийн сайд, Хууль зүйн сайдын 2015 оны 10 дугаар сарын 05-ны өдрийн А/180, А/217 дугаар тушаалаар баталсан “Тээврийн хэрэгсэл жолоодох эрхийн

шалгалт авах журам, Хууль зүйн сайдын 2015 оны А/186 тоот тушаалаар баталсан “Тээврийн хэрэгсэл жолоодох эрх дуусгавар болох, тээврийн хэрэгсэл жолоодох эрх сэргээх журам”-ыг хэрэгжүүлэн жолооч бэлтгэх үйл ажиллагаа явуулж байгаа авто курсүүдийн үйл ажиллагаанд байнгын хяналт тавьж тээврийн хэрэгсэл жолоодох эрх хасагдсан 115 иргэнээс эрх сэргээх шалгалт авч Цагдаагийн ерөнхий газрын Бүртгэл хяналтын төвд хүргүүлсэн ба тус төвөөс ирүүлсэн үүрэг, зөвлөмжийг хэрэгжүүлэн ажилласан байна.

БХТН-ийн Архангайн зөвлөл, Лам гурван эрдэнэ ХХК, МСҮТ-н жолооны курс, Цэнхэр буян ХХК, Хөх хангай ХХК-ийн жолооны курсүүд В ангилал, В-ВС-д ангилал ахиулах сургалт, замын хөдөлгөөний хууль дүрэм болон жолооны давтан дамжааны сургалтуудыг хичээллүүлж тайлангийн хугацаанд жолооны курсүүдээс ирүүлсэн тушаалуудыг хүлээн авч хянан Лицензийн төвд хүргүүлэн цохолтын хугацааг үндэслэн сургалтын хугацааг тооцож дээрхи курсүүдэд элсэгчээс мэргэжлийн шалгалт авч тэнцсэн элсэгчийн материалыг Лицензийн төвд хүргүүлэв.

Тээврийн хэрэгсэл жолоодох үнэмлэхийн хугацаа дууссан 628 жолоочийн материалыг бүртгэн авч Бүртгэл хяналтын төвд хүргүүлж, шинээр хэвлэгдэж ирсэн 365 жолоочийн үнэмлэхийг олгов.

Хотонт сумын Баянгол гэх газарт эвдэрсэн замын зорчих хэсгийн хаасан замын тэмдэг алга болсныг яаралтай шинээр тавих талаар Хархорин сумын АЗЗА, ТӨХК-д мэдэгдэл хүргүүлэн 3 ширхэг хориглох болон заах тэмдэг, тавиулж хөдөлгөөний аюулгүй байдлыг хангуулсан байна.

Архангай аймгийн Цэнхэр, Төвшрүүлэх сумын засаг даргад сумдын хэсгийн төлөөлөгч цагдаа нар т шалгах төхөөрөмж, согтуурал шалгах багажаар хангах, сумын нутаг дэвсгэрээр дайран өнгөрч байгаа “Хар цэг”-ийн судалгаанд авагдсан газруудад тэмдэг тэмдэглэл хийх талаар саналаа 35/1356, 35/1357 тоот албан бичгээр хүргүүллээ.

-Нийтийн хэв журам хамгаалах албаны чиглэлээр;

*Жижүүрийн шуурхай алба*

Энэ хугацаанд иргэд, аж ахуй нэгж байгууллагаас амаар болон утсаар нийт 920 гомдол, мэдээлэл, дуудлага хүлээн авч, дуудлага үнэлгээний хуудас бичиж, хэрэг учралын газарт ажлын хэсгийг шуурхай хүргэн мэдээлэл бүрийг Цагдаагийн газрын нэгдсэн бүртгэлд бүртгэн тухай бүрд нь Цагдаагийн газрын дарга, удирдлагын цохолтоор холбогдох албан тушаалтанд шилжүүлэн шалгуулж шийдвэрлүүлсэн. Үүнээс захиргааны зөрчлийн шинжтэй нийт 547 гомдол мэдээлэл хүлээн авч шалгасан урьд оны мөн үетэй харьцуулахад 54 буюу 9.8 хувиар өссөн байна. Нийт шалгасан зөрчлийн шинжтэй гомдол мэдээллийн 114 буюу 19.7 хувийг тээврийн хэрэгсэл жолоодох эрх хасах, 62 буюу 11.3 хувийг сум дундын шүүхээр баривчлуулж, 17 буюу 3.1 хувьд шийтгэврээр хуудсаар торгуулийн арга хэмжээ авч, 353 буюу 64.5 хувьд торгуулийн хуудсаар арга хэмжээ авч шийдвэрлэсэн ба ажиллагаанд 20 гомдол мэдээлэл хуулийн анхны хугацаанд шалгагдаж байна.

Нийт захиргааны гомдол мэдээллийн 467 буюу 85.4 хувийг хуулийн анхны хугацаанд, 80 буюу 14.6 хувийг хугацаа сунгаж шийдвэрлэсэн байна.

*Хүүхдийн гэмт хэрэг, зөрчлөөс урьдчилан сэргийлэх чиглэлээр:*

Эцэг эх, асран хамгаалагчийн хараа хяналтыг сайжруулах, үүрэг хариуцлагыг нэмэгдүүлэх, багш сурган хүмүүжүүлэгч, эцэг эхийн уялдаа холбоог сайжруулах зорилгоор, хууль тогтоомжид заасан хүлээх үүрэг, хариуцлагыг танилцуулан гарын үсэг зуруулж, баталгаа авч, анги бүр баталгааны дэвтэртэй болох ажлыг зохион байгуулж ажиллаа.

*Хяналт шалгалтаар:* Тайлангийн хугацаанд Ерөнхий боловсролын сургуулийн сурагчдыг гэмт хэрэг, зөрчлөөс урьдчилан сэргийлэх, таслан зогсоох, илрүүлэх, өртөж хохирохоос хамгаалах ажлын хүрээнд 6 зочид буудал, олон нийт, баар цэнгээний 27 аж ахуйн нэгж байгууллагаар хяналт шалгалтыг, Эрдэнэбулган сумын ГХУСАЗСЗөвлөл, Эрдэнэбулган сумын Ерөнхий боловсролын сургуулийн нийгмийн ажилтан, сургуулийн эцэг эхийн төлөөлөл, эргүүлийн цагдаа нарын хамт 2017 оны 01, 02, 04, 05 дугаар саруудад 6 удаа зохион байгуулж, “Гэмт хэргээс урьдчилан сэргийлэх тухай”, Архидан согтуурахтай тэмцэх тухай”, “Захиргааны хариуцлагын тухай”, “Тамхины хяналтын”, “Гэмт хэргээс урьдчилан сэргийлэх” тухай бусад хууль тогтоомжийн дагуу урьдчилан сэргийлэх чиглэлээр яриа таниулга хийж, 39 оюутан, сурагчид зааварчилга зөвлөгөө өгч насанд хүрээгүй хүмүүсийг биеэ үнэлэх садар самуунд уруу татагдахаас урьдчилан сэргийлж ажилжээ.

Хүүхдийг гэмт хэрэг, зөрчлөөс урьдчилан сэргийлэх чиглэлээр сумдын алба хаагч нар эргүүл хяналт шалгалтаар тогтмол ажиллаж, бүртгэл судалгааг гарган хөтөлж, 40 хүүхдэд зөвлөгөө өгч, 35 хүүхдийг зөрчил үйлдэхээс урьдчилан сэргийлж ажилласан байна.

*“School police” эцэг эхийн эргүүлийн үйл ажиллагааны талаар:*

Аймгийн Иргэдийн Төлөөлөгчдийн Хурлын 2015 оны 09 сарын 29-ний өдөр 61 дүгээр тогтоолоор батлагдсан “School police” эцэг эхийн эргүүл ажиллуулах журмыг хэрэгжүүлэх

ажлын хүрээнд аймгийн ерөнхий боловсролын 6 сургуулийн 38 бүлгийн 1000 гаруй эцэг эх, асран хамгаалагч, харгалзан дэмжигч 6 ээлжээр сургуулийн орчинд эргүүл хийж, 25 бүлэг бөөгнөрөл бүхий 130 гаруй хүүхдийг тарааж, сурагчдыг замын хөдөлгөөнд зөв боловсон оролцуулах, зөв дадал хэвшил олгох зэрэг ажлыг хэрэгжүүлж, замын хөдөлгөөний аюулгүй байдлын тухай хууль зөрчсөн явган зорчигч 40 хүнд анхааруулга өгч, зөрчил гаргасан 5 тээврийн хэрэгслийн талаарх мэдээллийг тус газрын замын цагдаагийн тасагт мэдээлж ажилласнаар сургуулийн орчинд хүүхдийн эсрэг гэмт хэрэг, зөрчил үйлдэгдээгүй байна.

“School police” эцэг эхийн эргүүлийн хувцас, дохиур модыг ерөнхий боловсролын 4 сургуулийн нийгмийн ажилтнуудад хүлээлгэн өглөө.

Монгол Улсын Засгийн газрын 2013 оны 410 дугаар тогтоолоор батлагдсан “Цахим тоглоомын газрын үйл ажиллагааг зохицуулах журам”, Архангай аймгийн иргэдийн төлөөлөгчдийн хурлын тэргүүлэгчдийн 2013 оны 10 дугаар сарын 03-ны өдрийн “Интернет кафе, цахим тоглоомын газар ажиллуулах журмын хэрэгжилтийг хангах зорилгоор Гэр бүл хүүхэд залуучуудын хөгжлийн газрын мэргэжилтэн, Мэргэжлийн хяналтын байцаагч нартай хамтран “Цахим тоглоом” хэсэгчилсэн арга хэмжээг 2 удаа зохион байгуулж, интернет кафе, цахим тоглоомын газруудад хяналт шалгалт хийж, цахим тоглоомын 4 газар хамрагдан, “Харилцаа холбооны тухай” хуулийн 12 дугаар зүйлийн 12.3 дахь заалт, “Цахим тоглоомын газрын үйл ажиллагааг зохицуулах журам”, “Интернет кафе, цахим тоглоомын үйлчилгээний байранд тавигдах шаардлага” MHS 6430:2014 стандарт хэрэгжилтийн хүрээнд Харилцаа холбоонд бүртгүүлж бүртгэлийн гэрчилгээ аваагүй, хууль тогтоомжид заасан шаардлагын хэрэгжилт хангалтгүй зөрчил дутагдал илэрч тус газруудын үйл ажиллагааг түр зогсоож, албан мэдэгдэл хүргүүлж, зөрчил дутагдлаа арилгасны дараа үйл ажиллагааг явуулж, шаардлага хангаагүй “Могоул” тоглоомын газрын үйл ажиллагааг хаасан байна.

Оюутан сурагчдыг гэмт хэрэг, зөрчлөөс урьдчилан сэргийлэх, өртөж хохирохоос хамгаалах ажлын хүрээнд: “Шинэ жил”, “Төгсөлт” “Хүүхэд хамгаалал” “Хонх” зэрэг нэгдсэн болон хэсэгчилсэн арга хэмжээ, “Бариа” хууль эрх зүйн сургалт, хэлэлцүүлэг, ЕБС-н багш, менежерүүдийн дунд сургалт зөвлөгөөн, “Хүүхэд ба хууль”, “Замын хөдөлгөөний цагаан толгой”, Ерөнхий боловсролын сургуулийн сурагчдын дунд “Центавр” зэрэг тэмцээнийг тус тус зохион байгуулж арга хэмжээг жүжигчилсэн тоглолт, ярилцлага хэлбэрээр хуулийн хариуцлага, шийтгэлийг тайлбарлан, үе тэнгийнхний дарамт шахалт, өсвөр үеийг гэмт хэрэг, зөрчлөөс урьдчилан сэргийлэх, өртөж хохирохоос хамгаалах эрх зүйн мэдлэгийг энгийн байдлаар ойлгуулж нийт 8 сургуулийн давхардсан тоогоор 315 багш, сурган хүмүүжүүлэгч, эцэг эх, 2150 сурагчид хамрагдсан байна.

Архангай аймгийн эрүүгийн хэргийн анхан шүүхэд 4 хүүхдийг ял хойшлуулах хүсэлтийг бичиж хүргүүлэн, Захиргааны хяналтын 4 хүүхдэд тогтмол хяналт тавьж ажиллан, Г.Ширнэнг өөрийн сонирхол хүсэлтийг үндэслэн аймгийн Мэргэжил сургалт үйлдвэрлэлийн төвийн авто засварын 1 дүгээр дамжаанд оруулан, Мягмарнаран, Ширнэн, Сумьяабат, Жанлав нарт шинэ жилийн болон хүүхдийн баярын бэлэг өгөх ажлыг зохион байгууллаа.

Тайлангийн хугацаанд: Ерөнхий боловсролын сургуулийн захирал удирдах ажилтнууд хүүхдийг гэмт хэрэг, зөрчлөөс урьдчилан сэргийлэх ажлыг харьяа орон нутгийн хэмжээнд сургууль бүр дээр зохион байгуулан ажилласан, эцэг эх, асран хамгаалагч харгалзан дэмжигч нараас хүүхдэд ээ тавих анхаарал халамж нэмэгдсэн, багш, эцэг эх хоорондын уялдаа холбоо сайжирсан, мөн хүүхдийг гэмт хэрэг, зөрчлөөс урьдчилан сэргийлэх, өртөж хохирохоос хамгаалах чиглэлээр нэгдсэн, тусгай, хэсэгчилсэн арга хэмжээ, сургалт мэдээлэл, хэлэлцүүлэг гэх мэт олон арга хэмжээнүүдийг төрийн болон төрийн бус байгууллагуудтай хамтран зохион байгуулж ажилласны үр дүнд хүүхэд оролцсон гэмт хэргийн өсөлт буурч, өмнөх оны мөн үетэй харьцуулахад 11 буюу 0%-тай ижил түвшинд болсон, гэмт хэрэг үйлдсэн сурагч 3-р буюу 33.33% буурсан, оюутан 1-р 16.67% буурсан, 17 хүртэлх насны гэмт хэрэг үйлдсэн хүүхэд 1-р 8.33% буурсан эерэг үзүүлэлттэй байна.

*Гэр бүлийн хүчирхийллээс урьдчилан сэргийлэх чиглэлээр хийсэн ажил:*

Гэр бүлийн хүчирхийлэлтэй тэмцэх тухай хуулийн 8 дугаар зүйл, 23 дугаар зүйл, Улсын Ерөнхий прокурор, Хууль Зүй Дотоод Хэргийн Сайдын хамтарсан 2017 оны 02 дугаар сарын 09-ний өдрийн А/22, А/31 дугаар журмын 3.8-д заасан, Гомдол мэдээлэл өгсөн хүний мэдээллийг нууцална, хөрш айл болон зэргэлдээ оршин суугчаас гаргасан гомдол, мэдээлэлд мэдээлэгчийн аюулгүй байдлыг хангаж ажиллана гэсэн зүйл заалтуудыг цагдаагийн газрын алба хаагч нарт танилцуулан гарын зуруулж баталгаа гаргуулсан, А/37, А/31, А/22, А/29, А/29 болон бусад журам, 2017 оны 02 дугаар сарын 24-ний өдрийн 1/122 тоот зөвлөмжөөр сургалтын материалыг бэлтгэж цагдаагийн газрын хэрэг бүртгэгч, мөрдөн байцаагч, жижүүрийн офицерууд, хэсгийн байцаагч, сумдын хэсгийн төлөөлөгч, цагдаа нарт сургалт зохион байгуулж, цагдаагийн газрын 112 алба хаагч хамрагдсан, А/25 журмын

хэрэгжилтийг хангаж ажиллах, мэдээллийн нэгдсэн сангийн баяжилтыг хийх чиглэлээр №27 тоот албан мэдэгдлийг хүргүүлэн ажилласан.

ХЗДХСайдын А/37 тоот журмын дагуу гэр бүлийн 25 хохирогчид аюулын зэргийн үнэлгээ хийж, өндөр 2, дунд 12, бага эрсдэлтэй 11-ийг тодорхойллоо. Үүнээс сумын хэсгийн төлөөлөгч нар 7, жижүүрийн офицер 11, хэсгийн байцаагч 7 хохирогчид аюулын зэргийн үнэлгээ хийж ажиллаа.

ЦЕГ-н Урьдчилан сэргийлэх хэлтсээс ирүүлсэн 2017 оны 05 дугаар сарын 31-ний өдрийн 9/2692 тоот албан бичгээр ирүүлсэн хохирогчид өгөх “Тусламжийн хуудас”-г алба хаагч нарт олшруулан өгч, гэр бүлийн хүчирхийллийн 5 хохирогчид тус хуудсыг тараан өгч ажиллаа.

Гэр бүлийн хүчирхийлэл үйлддэг болон үйлдэх эрсдэлтэй иргэдийг илрүүлэх, хүчирхийллийн хэлбэрийг тодорхойлох, бүртгэл судалгаанд авч хяналт тавих, хохирогчдын амь нас, эрүүл мэндийг хамгаалах чиглэлээр “Илрүүлэлт” нэгдсэн арга хэмжээг орон нутгийн хэмжээнд зохион байгуулж, 75 гэр бүлийн хүчирхийлэл үйлдэгчийг 4 төрлийн хүчирхийллийн хэлбэрээр бүртгэн, хохирогчид гэр бүлийн хүчирхийлэлтэй тэмцэх тухай хуулийн 33 дугаар зүйлд заасан үйлчилгээний төрлүүд, тусламж үйлчилгээний талаар танилцуулан зөвлөгөө өгч, тус хуулийн 8 дугаар зүйлд заасан хохирогчийн эрхийг хангаж ажиллаа.

Сумдын хэсгийн төлөөлөгч, цагдаа нарт Гэр бүлийн хүчирхийлэл, хүүхдийн гэмт хэрэгтэй тэмцэх, урьдчилан сэргийлэх чиглэлээр 18 заалт бүхий зөвлөмж, гэр бүлийн хүчирхийлэлтэй тэмцэх ажлыг эрчимжүүлэх, иргэд олон нийтэд сурталчлах ажлын хүрээнд 19 зааварчилга, Их дээд, Ерөнхий боловсролын сургууль, Мэргэжил сургалт үйлдвэрлэлийн төвийн багш, оюутан сурагчид хонхны баяраа зөв боловсон тэмдэглэж өнгөрүүлэх, гэмт хэрэг, зөрчлөөс урьдчилан сэргийлэх, өртөж хохирохоос хамгаалах зорилгоор “Хонх” нэгдсэн арга хэмжээний хүрээнд №15 тоот мэдэгдлийг 18 сумын алба хаагч, хэсгийн байцаагч, 12 их дээд, ерөнхий боловсролын сургуулийн захирлуудад, хариуцсан нутаг дэвсгэрт худалдаа үйлчилгээ эрхэлдэг аж ахуйн нэгж, байгууллагад ахуйн хэрэглээний газыг насанд хүрээгүй хүнд худалдан борлуулахгүй байх талаар албан мэдэгдэл, анхааруулга өгөх, ахуйн хэрэглээний газ болон мансууруулах төрлийн эм бэлдмэл хэрэглэж болзошгүй этгээдүүдийн судалгааг гаргаж, хяналт тавьж ажиллах, “Цэнхэр халим” тоглоомын талаар санамж сэрэмжлүүлэг өгөх чиглэлээр №25 тоот мэдэгдэл, Монгол улсын хууль зүй, дотоод хэргийн сайдын 2017 оны 01 дүгээр сарын 31-ний өдрийн А/25 тоот журамд зааснаар, Гэр бүлийн хүчирхийллийн талаарх статистик мэдээлэл, тоо бүртгэл хөтөлж, мэдээллийн сан бүрдүүлэх зорилгоор №27 тоот албан мэдэгдлийг сумдын алба хаагч, баг хариуцсан хэсгийн байцаагч нарт, нийт 22 зөвлөмж, 19 зааварчилга, 72 албан мэдэгдэл бичиж үр дүнг тооцож ажиллаа.

*Эрүүлжүүлэх баривчлах үйл ажиллагаа:*

Согтууруулах ундааны зүйл хэрэглэсэн үедээ зөрчил гаргасан нийт 507 хүнийг эрүүлжүүлэх байранд хүлээн авч, биед эрүүл мэндийн үзлэг хийж бүртгэл хөтлөн, захиргааны зөрчлийн тоо бүртгэлийн нэгдсэн санд оруулан жижүүрийн эмч, цагдаагийн байнгын хяналтан дор эрүүлжүүллээ. Эрүүлжүүлэгдсэн хүмүүсийг өмнөх оны мөн үетэй харьцуулахад 127 хүнээр буюу 33.4%-аар өссөн үзүүлэлттэй байна. Эрүүлжүүлэгдсэн 507 хүнээс 485 хүний үйлчилгээний хөлсөнд 2.017.600 төгрөгийг төрийн сангийн дансанд тушааж, төлбөрийн чадваргүй 22 хүний багийн засаг даргын тодорхойлолтыг авч санхүүтэй тооцоог хийсэн.

Хууль зүйн сайдын 2014 оны 12 дугаар сарын 08-ны өдрийн А/227 тоот тушаалаар батлагдсан Баривчлах шийдвэр биелүүлэх журмын хэрэгжилтийг хангаж Монгол улсын Захиргааны хариуцлагын тухай хууль болон Замын хөдөлгөөний аюулгүй байдлыг хангах тухай хуульд заасны дагуу сум дундын эрүүгийн хэргийн анхан шатны шүүхийн шүүгчийн шийтгэврээр 7-30 хоногийн хугацаагаар 99 хүн баривчлагдсан нь өмнөх оны мөн үетэй харьцуулахад 78 хүнээр буюу 4,7 дахин өссөн үзүүлэлттэй байна. Захиргааны журмаар баривчлагдаад суллагдсан 95 хүний 3197 хоногийн 19483400 төгрөгийн тооцоог төрийн сагийн зохих дансанд тушаалган санхүүтэй тооцоог хийсэн.

Цагдаагийн байгууллагын үйл ажиллагааны журмын код-623, Монгол улсын засгийн газрын 1996 оны 91 дүгээр тогтоолын хэрэгжилтийг хангаж зөрчил гаргасан 31 этгээдийг захиргааны журмаар албадан саатуулсныг саатуулах байранд хүлээн авч, биед болон эд зүйлд үзлэг хийж, эд зүйлийг тэмдэглэл хөтлөн түр хураан авч, бүртгэлд хөтлөн, жижүүрийн эмч цагдаагийн байнгын хяналтад саатуулж, хугацаа дуусмагц хариуцсан байцаагчид нь хүлээлгэн өгч зөрчлийг шийдвэрлүүлж ажиллаа. Саатуулагдсан хүмүүсийн урд оны мөн үетэй харьцуулахад 31 хүнээр өссөн үзүүлэлттэй байна.

-Олон нийтийн аюулгүй байдлыг хангах албаны чиглэлээр;

Тус тасгаас 2017 оны хагас жилд уламжлалт цагаан сар, хаврын хурдан морьдын уралдаан, мөргөл, тахилга, спорт, урлагийн тоглолт болон зохион байгуулагдсан 11 арга хэмжээний үед хамгаалалтыг шуурхай зохион байгуулж, цагдаагийн газраас зохион байгуулагдсан 13 удаагийн нэгдсэн болон хэсэгчилсэн арга хэмжээнд ажиллаж цагдаагийн газрын дотоодын жижүүр, харуулд томилгоот хуваарийн дагуу хоногт 6 алба хаагч, давхардсан тоогоор 180 удаа томилогдон, 4320 хүн/цагийн, эргүүлийн 22 чиглэлд 44 алба хаагч давхардсан тоогоор 186 удаа, 8184-хүн/цагийн үүрэг гүйцэтгэж 11 удаагийн хамгаалалтыг зохион байгуулан давхардсан тоогоор 278 алба хаагч 18348 хүн/ цагийн үүрэг гүйцэтгэн ажилласан.

Тус аймгийн Өгийнуур, Хашаат сум малын гоц халдварт цэцэг өвчний шинж илэрсэн тул 2016 оны 11 сарын 16-ны өдөр Аймгийн Засаг даргын Хорио цээрийн дэглэм тогтоох, өндөржүүлсэн бэлэн байдлын зэрэгт шилжүүлэх тухай А/481, А/482 тоот захирамжийн дагуу малын гоц халдварт өвчин гарсан сумуудад хорио цээрийн дэглэм тогтоож хамгаалалтад давхардсан тоогоор 38 албан хаагч ажиллаж 2017 оны 02 дугаар 09 ний өдрийн аймгийн Засаг даргын А/48 тоот захирамжаар Хорио цээрийг цуцалсан тус цагдаагийн алба хаагч нар хамгаалалтыг зохих түвшинд гүйцэтгэн ажилласан.

Тус цагдаагийн газраас 2017 онд аймгийн хэмжээнд "Галт зэвсгийн тухай хууль" болон Цагдаагийн ерөнхий газрын даргын 2010 оны 503 дугаар тушаалаар батлагдсан "Галт зэвсгийг бүртгэх, гэрчилгээ олгох /код-602/ журам"-ын хэрэгжилтийг хангах, галт зэвсгээр үйлдэгдсэн гэмт хэргийг илрүүлэх, галт зэвсэг, сумны хууль бус наймааг таслан зогсоох, эрэн сурвалжлагдаж, алдагдсан, олдож ирсэн галт зэвсгийн судалгааг шинэчлэх, галт зэвсгийн нэгдсэн бүртгэл, тооллого явуулж, нуугдмал бүртгэлд хамрагдаагүй галт зэвсгийг бүртгэн авч, гэрчилгээжүүлэх ажлыг эрчимжүүлэх чиглэлээр 18 сумдын хэсгийн төлөөлөгч, хэсгийн байцаагч, цагдаа нарт Нийтийн хэв журам хамгаалах тасгийн даргын 05 тоот зааварчилгааг хүргүүлэн биелэлтэд хяналт тавин ажиллаж байна. Мөн иргэн хуулийн этгээдийн өмчлөлд байгаа нийт-2618 галт зэвсгийг бүртгэн галт зэвсгийн мэдээллийн санд 310 галт зэвсгийн зурагжуулан баталгаажуулж, нуугдмал галт зэвсэг-3-ыг илрүүлж, галт зэвсгийн гэрчилгээ авах хүсэлт гаргасан 5 иргэний материалыг бүрдүүлж галт зэвсгийн гэрчилгээ олгож, хэв загвар өөрчилсөн ашиглах боломжгүй 3 галт зэвсгийг хураан авч, 2 галт зэвсгийн шилжилт хөдөлгөөнийг хийж, тус тус галт зэвсгийн мэдээллийн нэгдсэн санд бүртгэн ажиллаа.

Мөн албаны галт зэвсэг, галт зэвсэгтэй адилтгах хэрэгсэл 62-ыг зурагжуулан баталгаажуулж галт зэвсгийн мэдээллийн санд оруулан ажиллан, Цагдаагийн газрын даргын 2017 оны 05 дугаар сарын 12-ны өдрийн а/39 дүгээр тушаалаар дэд бөгөөд Эрүүгийн цагдаагийн тасгийн даргаар ахлуулсан 5 хүний бүрэлдэхүүнтэй ажлын хэсэг байгуулан албаны галт зэвсэг, галт хэрэглэл, техник тусгай хэрэгсэлд үзлэг тооллого явуулж, үзлэгээр албаны галт зэвсэг, галт хэрэглэлээс эвдэрсэн ашиглах боломжгүй болсон замаг, гол төмрийн дугаар зөрсөн, эд анги дагалдах хэрэгсэл дутсан зөрчил дутагдал илрээгүй ба галт зэвсэг, галт хэрэглэл бүрэн бүтэн хадгалалт, хамгаалалт хэвийн байсан болно.

Галт зэвсэг, галт хэрэглэл, техник тусгай хэрэгсэлд үзлэг тооллого явуулсан танилцуулгыг Цагдаагийн ерөнхий газрын Олон нийтийн аюулгүй байдлыг хангах газарт хүргүүлэн ажилласан.

#### *Шүүхийн аюулгүй байдлыг хангах чиглэлээр*

Эхний 5 сарын байдлаар Шүүхийн байранд харуулын 4 цагдаа, 4 ээлжээр, 150 удаа 3600 цагийн үүрэг гүйцэтгэж, шүүхийн байрны аюулгүй байдалд хяналт тавьж зөрчил дутагдалгүй ажиллаа. Шүүгч, шүүгчийн туслах, шүүхийн ажилтнуудтай уулзахаар ирсэн 2762 хүнийг зохих журмын дагуу шалган нэвтрүүлж, ажилласан байна.

2017 оны 5 сарын байдлаар хамгаалалтын 2 цагдаа эрүүгийн хэргийн 196, иргэний хэргийн 194, захиргааны хэргийн 97, эрүү иргэний хэргийн давж заалдах шатны 17 шүүх хуралдаанд журам сахиулан зөрчил дутагдалгүй ажиллаж, шүүх хуралдаан дээр согтууруулах ундааны зүйл хэрэглэж ирсэн хариуцагч 3, иргэдийн төлөөлөгч 1, гэрч 1, нийт 5 зөрчлийг илрүүлэн хуралдаан эхлэх цагаас өмнө хуралдаан даргалагч, шүүгч нарт танилцуулан, албадан саатуулж ажиллаа.

Архангай аймгийн сум дундын шүүхэд нийт 504 шүүх хуралдаан болж, шүүх хуралдааны 504 буюу 100% хувьд нь журам сахиулан, 3307 оролцогчийн аюулгүй байдлыг хангаж ажиллаа. 18 цагаас хойш үргэлжилсэн шүүх хуралдаан 8 болсон, 21 холбогдогчтой шүүх хуралдаанд хүч нэмэгдүүлсэн хамгаалалтыг 8 удаа хийж, 64 алба хаагч 24 автомашинтай ажилласан байна.

Шүүгч, шүүхийн тамгын газрын гаргасан хүсэлтээр 1 шүүгчийг, хөдөө орон нутагт ажлаар явахад нь 2 шүүгчийг, 18 цагаас хойш үргэлжилсэн шүүх хурал, онц хүнд гэмт хэргийн шүүх хурал, маргаан бүхий хэрэг маргааныг шийдвэрлэсэн шүүгч нарыг 10 удаа гэрт нь хамгаалан хүргэхэд 26 алба хаагч давхардсан тоогоор ажилласан байна.

Цагдан хорих байрнаас шүүх хуралдаанд 170 шүүгдэгч, ялтныг шүүхээс хорих ялаар шийтгүүлсэн болон таслан сэргийлэх арга хэмжээ авагдсан 175 шүүгдэгч, ялтанг ШШГА-ны харьяа цагдан хорих байранд, нийт 345 хүнийг хуяглан хүргэж, 690 алба хаагч давхардсан тоогоор ажилласан байна. Хэргийн материалтай танилцах хүсэлт гаргасан 15 хүнийг цагдан хорих байрнаас хуяглан авчирч хэргийн материалтай танилцахад нь хяналт тавьж ажилласан.

Иргэний хэргийн хариуцагч эрэн сурвалжлах 7 захирамж хүлээн авч, 3 хүний оршин сууж байгаа хаягийг тогтоон, 4 иргэний хариуцагчийг эрэн сурвалжилж байна.

Шүүхээс эрүүгийн болон иргэний хэргийн анхан шатны шүүх хуралдааны шүүгдэгч, хариуцагч, гэрч, хохирогчийг албадан ирүүлж, шүүх хуралдаанд оролцуулах тухай шүүгчийн 13 захирамж хүлээн авснаас эрүүгийн хэргийн шүүгдэгч 4, иргэний хэргийн хариуцагч 6, эрүүгийн хэргийн гэрч 4, шинжээч 1, хохирогч 1 нийт 13-н захирамжийн 16 хүнийг албадан ирүүлж шүүгчийн туслахад хүлээлгэн өгч захирамж, шийдвэрийн биелэлтийг 100% ханган ажиллаа

*Гурав: Сахилга хариуцлага, сургалт сурталчилгаа. соён гэгээрүүлэх болон авлигаас урьдчилан сэргийлэх ажлын талаар*

-Алба хаагчдын сахилга хариуцлагыг дээшлүүлэх чиглэлээр зохион байгуулсан ажил, арга хэмжээ; түүний үр дүн

Цагдаагийн газрын 2017 оны 01 дүгээр улирлын сахилга хариуцлага, ажлын үр дүнг дээшлүүлэх зөвлөгөөнийг 2017 оны 03 дугаар сарын 24-ний өдөр зохион байгуулж сахилга ёс зүйн зөрчил гаргахгүй хамт олноо хошуучлан ажилласан 1 тасгийн дарга, 3 алба хаагчид “Талархал”, хамт олноо хангалтгүй удирдан зохион байгуулсан 1 тасгийн даргад “Албан мэдэгдэл”, сахилга ёс зүйг дээшлүүлэх шаардлагатай 2 алба хаагчид “Шаардлага” хүргүүлж цагдаагийн газраас “Нэг гэр бүл” гэсэн уриалга дэвшүүлсэн.

Мөн 2 дугаар улирлын “Ажлын хариуцлага, сахилга ёс зүйг сайжруулъя” сэдэвт зөвлөгөөнийг 2017 оны 06 дугаар сарын 07-ны өдөр зохион байгуулж, зөвлөгөөнийг хэвшмэл, хуучин хэлбэрээр бус шинэлэг, алба хаагчдын үүрэг, оролцоог нэмэгдүүлж, шинэ санал санаачилгыг өрнүүлсэн “Мэтгэлцээн” хэлбэрээр Архангай аймгийн Булган хайрхан уулын бэлд хээр зохион байгуулсан ба цагдаагийн газрын даргын баталсан төлөвлөгөө, удирдамжийн дагуу алба хаагчид явган аяллаар арга хэмжээг эхлүүлсэн.

Мэтгэлцээнийг хэрэг бүртгэгч, мөрдөн байцаагч, хэсгийн төлөөлөгч нарыг хоёр багт хуваан 1 дүгээр баг “Прокурор”-ын байгууллагаас шүүмжлэл хийх, 2 дугаар баг “Хэрэг бүртгэгч, мөрдөн байцаагч”-ын алба хаагчдаас няцаалт хийх хэлбэрээр, мөн замын цагдаагийн байцаагч, хэв журмын байцаагч, цагдаа нарыг хоёр багт хуваарилан 3 дугаар баг “Иргэн”-ээс шүүмжлэл хийх, 4 дүгээр баг “Цагдаагийн алба хаагч” –аас няцаалт хийх хэлбэрээр зохион байгуулж, мэтгэлцээнд алба хаагчдын өдөр тутмын үйл ажиллагаанд болон ажил үүргээ гүйцэтгэх явцдаа гаргадаг зөрчлийг олон талаас нь энгийн байдлаар ойлголт өгөхөөр зохион байгуулсан нь үр дүнтэй арга хэмжээ болсон гэж дүгнэж байна.

Мөн алба хаагчдын дунд фокус ярилцлагыг зохион байгуулж ярилцлагын үед алба хаагчдаас сахилга ёс зүйн зөрчил гаргасан алба хаагчид хамт олноос уучлалт хүсэж, дахин зөрчил дутагдал гаргахгүй байх талаар амлалт өгөх, бие биеэ хүндлэх, цагдаагийн алба хаагчийн дүрмээр харьцах, цэрэгжилт жагсаалч байдлыг ханган, ажлын хариуцлагатай нэг хамт олон болох талаар олон олон санал, санаачилгыг алба хаагчид гаргаж байв.

Сахилга хариуцлагын зөвлөгөөнөөр зохион байгуулсан мэтгэлцээний хүрээнд алба хаагчдын давтамжтай гаргадаг алдаа дутагдлыг тодорхойлж дахин гаргахгүй байх Эрүүгийн байцаан шийтгэх ажиллагааг хуулийн дагуу явуулж, алба хаагчид өдөр тутмын үйл ажиллагаандаа Цагдаагийн байгууллагын үйл ажиллагааны журам, үйлчилгээний стандартыг мөрдөж ажиллах зөвлөмжийг гарган, цагдаагийн газрын алба хаагчдын 2017 оны хагас жилийн сахилгын зөвлөгөөнийг дүгнэж “Ажлын хариуцлага, сахилга ёс зүйг дээшлүүлж зөрчил дутагдалгүй хамт олон болцгооё” гэсэн “Уриалга”-ыг дэвшүүлж Хүний нөөцийн мэргэжилтэн алба хаагчдын ажлын стресс тайлах, сэтгэл зүйн орчинд нөлөөлөх сорил, дасгалуудыг хийлгэлээ.

-Сахилга, ёс зүйн зөрчлийн мэдээ, прокурор, шүүхийн мэдэгдэл, шаардлага; /өсөлт, бууралт тоо хувиар/

Цагдаагийн газрын удирдлага, алба хаагчдын талаар иргэдээс ирүүлсэн өргөдөл, гомдол мэдээлэл, дотоодын хяналт, шалгалтаар илрүүлсэн зөрчил бүрийг бүртгэн авч албаны шалгалт явуулан шалтгаан нөхцлийг тогтоож буруутай этгээдэд хариуцлага тооцох, буруугүй болох нь тогтоогдсон алба хаагчийн талаар гомдол мэдээлэл гаргагчид хариу мэдэгдэж байгууллагын болон алба хаагчийн нэр төрийг сэргээхэд анхаарч ажиллав.

Зөрчил гаргасан алба хаагчдаас 12 алба хаагчид сахилгын шийтгэл оногдуулж, үүнээс сахилгын шийтгэл оногдуулахаар Цагдаагийн ерөнхий газарт 1 алба хаагчийн материалыг

хүргүүлж Цагдаагийн ерөнхий газрын 2017 оны 03 дугаар сарын 16-ны өдрийн Б/123 дугаар тушаалаар үүрэгт ажлаас чөлөөлөн “Цагдаагийн ахмад” цолыг хурааж “Цагдаагийн ахлах ахлагч” цол олгож цагдаагаар ажиллуулахаар шийдвэрлүүлсэн байна.

Цагдаагийн газрын алба хаагчдаас 2017 онд эрүүгийн гэмт хэрэгт 1 алба хаагч холбогдон шалгагдаж, эрүүгийн гэмт хэрэгт өртөж хохирсон 2 алба хаагч байгаа нь урьд оны мөн үетэй харьцуулахад тус бүр 1 дахин өссөн байна. Сахилгын арга хэмжээ авагдсан 8 офицер, 4 ахлагч, нийт 12 алба хаагч сахилгын зөрчил гаргаж арга хэмжээ авагдсаныг өнгөрсөн оны мөн үетэй харьцуулахад гаргасан зөрчил 2-оор буюу 14,2 хувиар, зөрчил гаргасан офицерын тоо ижил 8, ахлагч 2-оор буюу 33,3 хувиар тус тус буурсан байна.

Сахилгын зөрчил гаргасан алба хаагчдыг албан тушаалаар нь авч үзвэл: тасгийн дарга 1, ахлах хэрэг бүртгэгч 1, мөрдөн байцаагч 2, хэсгийн байцаагч 1, хэв журмын офицер 2, хэв журмын цагдаа 4, нягтлан бодогч 1 нийт 12 алба хаагч байна.

Сахилгын зөрчлийн хэлбэрийг өнгөрсөн оны мөн үетэй харьцуулж үзвэл: Цагдаагийн алба хаагчийн харилцааны соёл, ёс зүй зөрчсөн зөрчил 2-р 50 хувиар, хэрэг материал дутуу шалгасан 1-р буюу 1 дахин өссөн, ажил тасалсан зөрчил 1-р буюу 1 дахин тус тус өссөн, ажлын хариуцлага алдсан зөрчил 1-р буюу 25 хувиар, архидан согтуурсан зөрчил 1-р буюу 50 хувиар ЭБШХууль, бусад хууль зөрчсөн зөрчил 1-р буюу 25 хувиар тус тус буурсан байна.

Сахилга, ёс зүйн зөрчлийн шалтгаан нөхцөлийг авч үзвэл: Цагдаагийн алба хаагчийн бие биедээ тавих зарчимч шаардлага сул 2, Хувь хүний буруутай үйл ажиллагаа 4, ёс зүй хангалттай төлөвшөөгүй 5, хууль дүрэм, журам, зааврын мэдлэг дутмаг 1 зөрчил байна.

Сахилгын арга хэмжээ авагдсан алба хаагчдын шийтгэлийн төрөл: Сануулах арга хэмжээ авагдсан алба хаагч 4, албан тушаалын цалингийн хэмжээг 6 сар хүртэл хугацаагаар 20 хүртэл хувиар бууруулах арга хэмжээ авагдсан алба хаагч 7, албан тушаал бууруулж офицер цолыг хураасан 1 зөрчил байна.

Үүнээс Цагдаагийн ерөнхий газрын даргын тушаалаар 1, цагдаагийн газрын даргын тушаалаар 11 алба хаагчид сахилгын шийтгэл оногдуулжээ.

Энэ хугацаанд цагдаагийн газрын дотоод хяналт, шалгалтаар илрүүлсэн зөрчил 6 байгаа нь нийт зөрчлийн 50 хувь, гадны хяналтаар буюу иргэд байгууллагын мэдээллээр илрүүлсэн зөрчил 6 байгаа нь нийт зөрчлийн 50 хувийг тус тус эзэлж байна.

-Алба хаагчдын мэдлэг боловсролыг дээшлүүлэх чиглэлээр дотооддоо зохион байгуулсан сургалт; /ашигласан техник хэрэгсэл/

Цагдаагийн газар нь 2017 оны хагас жилд алба хаагчдын дунд явуулах албаны сургалтыг Цагдаагийн байгууллагын үйл ажиллагааны журмын сургалтын бодлого боловсруулж хэрэгжүүлэх /код-118/ журам, “Цагдаагийн алба хаагчдын мэдлэг, ур чадварыг дээшлүүлэх 2017 оны сургалтын төлөвлөгөө”, “Эрх зүйн сургалт, сурталчилгааны чиглэлээр 2017 онд цагдаагийн байгууллагаас хэрэгжүүлэх ажлын дэд төлөвлөгөө” зэрэг эрхийн актуудын зорилго, агуулгын талаар бие бүрэлдэхүүнд танилцуулж, суралцах идэвх санаачилгыг өрнүүлэх зорилгоор тэднээс цагдаагийн газраас явуулж байгаа албаны сургалтын талаарх санал, гадаад хэл, компьютерийн мэдлэгийн түвшин, оффисын техник хэрэгсэл хэрэглэх, чадвар, цаашид мэдлэг боловсролоо дээшлүүлэхээр бакалавр, магистр, удирдлагын академид суралцах хүсэл сонирхлын талаар санал асуулга авч дүнг нэгтгэн албаны сургалтын нэгдсэн төлөвлөгөөнд тусган хэрэгжүүлэх ажлыг зохион байгуулав.

2017 оны нэгдсэн сургалтын төлөвлөгөөний дагуу 7 хоногийн Пүрэв гарагт нийт бие бүрэлдэхүүнд, Мягмар гариг бүр тасаг, хэсгийн алба хаагчдад дотооддоо хичээл сургалтыг тогтмол зохион байгуулж ажиллаж байна.

Алба хаагчдын мэдвэл зохих хууль тогтоомж, ЦБҮА-ны /КОД-118/ журмын сургалтын төлөвлөгөөний дагуу “Монгол улсын үндсэн хууль”, “Цагдаагийн албаны тухай хууль”, “Цагдаагийн албаны тухай хуулийг дагаж мөрдөх тухай” хууль, “Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай” хууль, “Замын хөдөлгөөний аюулгүй байдлын тухай” хууль, “Гэрч хохирогчийг хамгаалах тухай” хууль, “Мал хулгайлах гэмт хэрэгтэй тэмцэх, урьдчилан сэргийлэх тухай” хууль, “Гэмт хэргээс урьдчилан сэргийлэх тухай” хууль, “Гэр бүлийн хүчирхийлэлтэй тэмцэх хууль”, “Хамтарсан багт цагдаагийн алба хаагчийн үүрэг”, “Цагдаа ба хүүхэд хамгаалал” болон цагдаагийн байгууллагын үйл ажиллагааны журмын “Өргөдөл, гомдол хүлээн авч шийдвэрлэх ЦБҮА-ны /код/121”, “Шуурхай удирдлагын албаны үйл ажиллагаа ЦБҮА-ны /код/ 200” болон 1 дүгээр бүлгээр тасаг, хэсгийн дарга, ахлах албан тушаалтнууд нийт давхардсан тоогоор....алба хаагчдад ...цагийн сургалтыг зохион байгуулжээ.

Цагдаагийн газрын алдаанаас суралцоо сургалтын төлөвлөгөөний дагуу Хэрэг бүртгэгч, мөрдөн байцаах тасгаас прокуророос ирүүлсэн шаардлагын мөрөөр шаардлагад нэр дурдагдсан алба хаагчдад “ Эрүүгийн байцаан шийтгэх ажиллагааны явцад гаргаж буй зөрчил” сэдвээр 1 цагийн сургалтыг хэрэг бүртгэгч, мөрдөн байцаагч, хэрэг бүртгэх эрх бүхий



алба хаагч нарт, Нийтийн хэв журам хамгаалах тасгаас тасгийн ахлагч бүрэлдэхүүний дунд “Харилцааны соёл” сэдвээр сургалтыг лекц, харилцан ярилцлагын байдлаар 1 цагийн сургалтыг, Олон нийттэй харилцах алба хариуцсан ахлах байцаагч, цагдаагийн ахмад Б.Наранчимэг, хяналтын прокурор Н.Цэвээнжавын хамт 18 сумын хэсгийн төлөөлөгч хэсгийн байцаагч нарт “Захиргааны хяналтын материал дээр гаргаж байгаа алдаа дутагдлын талаар” сэдэвт 1 цагийн сургалтыг эхний улиралд явуулсан.

Сум, багийн түвшинд ажиллаж байгаа гэр бүлийн хүчирхийлэлд өртсөн хүүхэд, эмэгтэйчүүдэд тусламж үзүүлэх, эрсдэлийг тооцож, үнэлгээ хийх хамтарсан багийн гишүүдийн хуулиар хүлээсэн үүргээ гүйцэтгэхэд шаардлагатай хууль, эрх зүйн ойлголт өгөх, мэргэжил арга зүйн дэмжлэг үзүүлж чадавхыг нэмэгдүүлэх зорилготой “Хамтарсан баг”-ийн гишүүдийг чадавхжуулах сургалтыг 2017 оны 05 дугаар сарын 18-19-ний өдрүүдэд аймгийн ГБХЗХГазар, холбогдох бусад байгууллагуудтай хамтран зохион байгуулж, ГБХ,ХГХУСА байцаагч, цагдаагийн ахмад З.Баярсайхан “Гэр бүлийн хүчирхийллийн тухай ойлголт, хүчирхийллийг таньж илрүүлэх нь”, хохирогчдод “Аюулын зэргийн үнэлгээ” хийх журмын талаар сургалт, мэдээлэл хийв Сургалтад 18 сумын хэсгийн төлөөлөгч, хамтарсан багийн 110 гишүүд, хамрагдсан ба Гэр бүлийн хүчирхийлэлтэй тэмцэх тухай хууль, Хүүхдийн эрх, Хүүхэд хамгааллын тухай хууль, хохирогчдод үзүүлэх тусламж үйлчилгээний талаарх мэдлэгийн түвшин нэмэгдэж хамтарсан багаар ажиллах мэргэжил арга зүй дээшилсэн байна.

Сумдын хэсгийн төлөөлөгч, цагдаа нарын нэгдсэн хичээл, сургалтын ажлын төлөвлөгөөний дагуу хэсгийн төлөөлөгч, цагдаа нарт 2017 оны хагас жилд 32 цагийн хичээл сургалтыг, 02 дугаар сард Гүйцэтгэх ажлын чиглэлээр 16 цагийн сургалтыг тасгийн дарга, ахлахууд зохион байгуулан явуулсан.

Цагдаагийн газрын хэмжээнд 2017 онд албаны сургалтыг явуулахдаа Цагдаагийн ерөнхий газрын Хүний нөөц, сургалтын хэлтэс, Сургалтын төвөөс өгсөн чиглэлийн дагуу алба хаагчдын эрхэлж байгаа албан тушаалын чиглэл, ажлын туршлага, ур чадвар, ажилласан жил, мэдлэгийн түвшинг урьдчилан шалгасаны үндсэн дээр сургалтын сэдэв арга, хэлбэр, цагийг сонгож Цагдаагийн ерөнхий газрын 2017 оны 6/58 дугаар тушаалаар батлагдсан “Цагдаагийн байгууллагын алба хаагчдын мэдлэг, ур чадварыг дээшлүүлэх 2017 оны сургалтын календарчилсан төлөвлөгөө”-ний дагуу “Эрсдэлийн удирдлага”, “Хяналт шинжилгээ, үнэлгээ хийх, эрсдэлийн удирдлага”, “Авто-Инженер” чиглэлээр, “Механикжсан тээврийн хэрэгсэл жолоодох эрхийн шалгалт авах мэдлэг, ур чадвар дээшлүүлэх” чиглэлээр, “Эдийн засгийн гэмт хэргийг илрүүлэх” чиглэлээр, “Хөдөлмөр хамгаалал аюулгүй ажиллагааны журам зөрчих гэмт хэргийг мөрдөх, хэргийн үзлэг хийх” чиглэлээр, “Байгаль хамгаалах журмын эсрэг гэмт хэргийг мөрдөх, илрүүлэх, хэргийн газрын үзлэг, тактик” чиглэлээр, “Ахлах албан тушаалтны нөөцөд авагдсан алба хаагчийг чадавхжуулах”, “Хамгаалалтын удирдлага, зохион байгуулалт”-ын чиглэлээр, “Эргүүлийн үүрэг гүйцэтгэх ” чиглэлээр, “Харьцааны ёс зүй” сэдэвт сургалтуудад нийт 24 алба хаагчийг хамруулсан байна.

Шинэчлэн батлагдсан Цагдаагийн албаны тухай хууль болон бусад хууль тогтоомжийн талаарх мэдээлэл олгох, сургалтын арга зүйг эзэмшүүлэн ажиллаж буй нэгжийнхээ алба хаагчдад, нутаг дэвсгэрийн иргэд, нутгийн төрийн захиргааны байгууллага, ажилтан алба хаагчдад сурталчлах ажлыг хийж гүйцэтгэх “Сургагч багш”-ийг бэлтгэх сургалтад Нийтийн хэв журам хамгаалах тасгийн дарга, цагдаагийн дэд хурандаа Б.Анхбаатар, Олон нийттэй харилцах ажил хариуцах ажил хариуцсан ахлах байцаагч, цагдаагийн хошууч Б.Наранчимэг нар 2 өдөр 14 цагийн сургалтад хамрагдсан. Мөн “Цагдаагийн сургагч ахлах бэлтгэх” сургалтад хэв журмын цагдаа, цагдаагийн ахлах ахлагч Г.Насантогтох амжилттай хамрагдаж “Сургагч ахлах цолоо авсан. “Цагдаа таны төлөө” ахлагч бүрэлдэхүүний сургалт зөвлөгөөнд тус цагдаагийн газраас 5 алба хаагч хамрагдан оролцсон.

Тус цагдаагийн газрын Захиргааны зөрчлийн тоо бүртгэгч, архивч цагдаагийн ахлах ахлагч О.Алимаа нь Цагдаагийн ерөнхий газрын даргын 2017 оны “Сургалтад суралцуулах тухай” 6/11 дүгээр тушаалаар Цагдаагийн ерөнхий газрын төв архив дээр 2017 оны 03 дугаар сарын 22-24-ний өдрүүдэд “Архив, албан хэрэг хөтлөлт” сэдэвт 1,5 кредит цагийн сургалтад, Цагдаагийн ерөнхий газрын сургалтын танхимд болсон “Статистикийн анхан шатны мэдлэг олгох ” сургалтад 2017.05.22-27-ны өдрүүдэд 5 хоног сургалтад хамрагдлаа.

Цаашид алба хаагч нарт явуулж буй хичээл сургалтыг алба хаагчдаас өөрсдөөс нь санал авч, сүүлийн үеийн техник технологийг ашиглан, үр дүнтэй зохион байгуулах талаар анхаарч сургалтынхаа төлөвлөгөөгөө боловсруулан ажиллаж нийт гадна болон дотоод сургалтад давхардсан тоогоор 2400 алба хаагчид 47 удаа 370 цагийн сургалтыг зохион байгуулж төрийн болон төрийн бус байгууллага 11, лектор багш, сэтгэл зүйч 4-ыг урьж оролцуулан гадаад болон дотоод сургалтад 1950000 төгрөг зарцуулжээ.

Цагдаагийн ерөнхий газрын Сургалтын нэгдсэн төвд туслах төлөөлөгч, дэд ахлагч Б.Болд-Эрдэнэ 2017 оны 03 дугаар сарын 17-ны өдрөөс Албаны нохой сургагчийн 2 сарын сургалтад хамрагдаж байна.

-Төрийн болон төрийн бус байгууллагаас зохион байгуулагдсан сургалт уулзалт, хэлэлцүүлэг, зөвлөгөөнд алба хаагчдыг хамруулсан байдал;

“Хамтарсан баг”-ийн гишүүдийг чадавхжуулах сургалтыг 2017 оны 02 дугаар сарын 08-ний өдрөөс 10-ний хооронд, 05 дугаар сарын 18-19-ний өдрүүдэд 2 удаа аймгийн ГБХЗХГазар, ГХУСАЗСЗөвлөл, холбогдох бусад байгууллагуудтай хамтран зохион байгуулж, 19 сумын 170 хамтарсан багийн гишүүд хамрагдаж “Гэр бүлийн хүчирхийлэлтэй тэмцэх” тухай хууль, шинээр орсон 10 өөрчлөлт, “Аюулын зэргийн үнэлгээ хийх аргачлал”, “Хохирогчдод үзүүлэх тусламж үйлчилгээ” зэрэг сэдвүүдээр сургалт хийлээ.

Албадан сургалт зохион байгуулах төлөвлөгөөг гарган, Монгол Улсын Хууль зүй дотоод хэргийн сайдын 2017 оны 04 дүгээр сарын 04-ны өдрийн А/73 тоот дугаараар баталсан “Зан үйлд нөлөөлөх албадан сургалт”-ын хөтөлбөр журам, Гэр бүлийн хүчирхийлэлтэй тэмцэх тухай хууль болон бусад хууль тогтоомжийн хэрэгжилтийг хангах зорилгоор “Булганхангай” төрийн бус байгууллагын тэргүүн Д.Батдорж, “Флом” олон улсын байгууллагын сэтгэл зүйч Т.Сувдаа, ЛЭОС-ийн Салбар зөвлөлийн зохицуулагч Л.Уранчимэг нартай хамтран зохион байгуулж эрүүлжүүлэгдсэн болон баривчлагдсан 200 гаруй хүн хамрагдлаа.

Хууль зүй, дотоод хэргийн сайдын баталсан Монгол Улсын Хууль зүй, дотоод хэргийн сайд С.Бямбацогтын ОХУ-д хийсэн айлчлалын мөрөөр хэрэгжүүлэх ажлын төлөвлөгөөнд “ОХУ-ын ДХЯ-ны харьяа боловсролын байгууллагуудад тодорхой тооны алба хаагчийг богино хугацааны сургалтад оролцуулах ажлыг зохион байгуулах” ажлын хүрээнд ОХУ-ын Краснодарын Их сургуульд “Терроризм болон бусад хүч хэрэглэсэн экстремизмын илрэлүүдтэй тэмцэх орчин үеийн арга хэлбэрүүд” сэдэвт сургалтад тус цагдаагийн газрын дарга, цагдаагийн дэд хурандаа Т.Ганзориг хамрагдсан ба сургалтын зардал болох 1700000 төгрөгийг аймгийн орон нутгийн санхүүжилтээр шийдвэрлэсэн.

Японы хүүхдийг ивээх сангийн дэмжлэгтэйгээр “SAVE THE CHILDREN” хүүхдийг ивээх сангаас зохион байгуулсан “Монгол улсад хүүхдийн эрхийн тогтолцоог бэхжүүлэх нь” сэдэвт Архангай аймгийн хамтарсан багийн гишүүдийг чадавхжуулах сургалт 2017 оны 02 дугаар сарын 08-10-ны өдрүүдэд Гэр бүл, хүүхэд залуучуудын хөгжлийн газраас зохион байгуулж уг сургалтад тус цагдаагийн газрын 5 алба хаагч 3 өдөр хамрагдсан.

-Зохион байгуулсан соён гэгээрүүлэх ажил, арга хэмжээ;

Цагдаагийн газраас 2017 оны хагас жилд Цагдаагийн байгууллагын үйл ажиллагааны “Соён гэгээрүүлэх ажил зохиох /код-939/ журам”-ын дагуу алба хаагчдын оюун санаа, сэтгэхүйг хөгжүүлэх, эрх зүйн мэдлэгийг дээшлүүлэх, албаны онцлогоос үүссэн сөрөг нөлөө, сэтгэл зүйн алжааллыг тайлах зорилгоор дараах арга хэмжээнүүдийг авч хэрэгжүүлэв.

Тус цагдаагийн газар нь алба хаагчдын эрүүл мэнд, бие бялдрын хөгжил, чийрэгжилт, албаны бэлэн байдлыг хангах зорилгоор долоо хоног бүр биеийн тамирын арга хэмжээг гадна талбайд болон аймгийн Биеийн тамир спортын газартай гэрээ байгуулан спортын төв зааланд долоо хоног бүрийн Пүрэв гаригт биеийн тамирын арга хэмжээ, дасгал хөдөлгөөн, чийрэгжүүлэлтийн ажил арга хэмжээг үргэлжлүүлэн зохион байгуулж байна. Алба хаагчдын бие бялдрын өв тэгш хүмүүжил, албаны бэлэн байдал, чөлөөт цагаа зөв боловсон өнгөрүүлэх, албаны сургалтыг дэмжих зорилгоор цагийн хуваарийн дагуу 7 хоногт тус газрын бялдаржуулах танхимд тасаг албад хуваарийн дагуу бэлтгэл, сургуулилт хийж хэвшсэн.

*Дотоодод зохион байгуулсан тэмцээн, уралдаан:*

Цагдаагийн газрын 2017 оны соён гэгээрүүлэх ажлын төлөвлөгөө, спортын уралдаан тэмцээн зохион явуулах хуваарийн дагуу цагдаагийн газрын аварга шалгаруулах “Заалны хөл бөмбөг”-ийн тэмцээнийг Эрүүгийн цагдаагийн тасаг 01 дүгээр сард, “Дартс”, “Билльярд”-ын тэмцээнийг Эрдэнэмандал сум дахь сум дундын цагдаагийн тасаг 02 дугаар сард, “Буудлага”-ын /Хийн бууны/ тэмцээнийг цагдаагийн газрын нийт эмэгтэйчүүд алба хаагчид дунд Хэрэг бүртгэх мөрдөн байцаах тасаг 03 дугаар сард, Монгол улсад Зэвсэгт хүчин үүсэн байгуулагдсаны түүхт 96 жилийн ойг угтаж “Марш тактик”, “Буудлага”-ын тэмцээнийг Нийтийн хэв журам хамгаалах тасгаас тасаг 3 дугаар сард, “Сагсан бөмбөг”-ийн тэмцээнийг Хэрэг бүртгэх, мөрдөн байцаах тасаг 4 дүгээр сард тус тус зохион байгуулсан.

Мөн Хэрэг бүртгэх, мөрдөн байцаах тасгаас хэрэг бүртгэх эрх бүхий алба хаагчдын мэдлэг, ур чадварыг нэмэгдүүлэх, хэрэг бүртгэх чадавхыг дээшлүүлэх зорилгоор “Шилдэг хэрэг бүртгэгч-2017” тэмцээнийг 5 дугаар сард, замын хөдөлгөөний аюулгүй байдлын журмын эсрэг гэмт хэргээс урьдчилан сэргийлэх, алба хаагчдын ур чадварыг нэмэгдүүлэх “Уран зохицуулагч 2017” тэмцээнийг төв, орон нутгийн тасгийн алба хаагчдын дунд зохион байгуулж үр дүнг тооцсон байна.

*Тэмдэглэл баяр, ёслолын арга хэмжээ:*

Цагдаагийн газрын даргын тушаалаар баталсан хуваарийн дагуу “Алтан унжилгат” хэмээх гал тахиа жилийн Цагдаагийн газрын алба хаагчдын нэгдсэн золголт арга хэмжээг Шүүх, шүүгчийн аюулгүй байдлыг хангах хэсэг, “Ахмад ажилчдыг хүлээн авах” арга хэмжээг Төлөвлөлт, зохион байгуулалтын тасаг 2 дугаар сард, “Олон улсын эмэгтэйчүүдийн эрхийг хамгаалах өдөр”-ийн арга хэмжээг Хэрэг бүртгэх, мөрдөн байцаах тасаг, “Зэвсэгт хүчин үүсэн байгуулагдсаны 96 жилийн ойн баяр”-ыг эмэгтэйчүүдийн зөвлөл 3 дугаар сард, “Олон улсын хүүхдийн эрхийг хамгаалах өдөр”-ийг тохиолдуулан алба хаагчдын гэр бүлийн зөвлөгөөн зохион байгуулах арга хэмжээг Төлөвлөлт, зохион байгуулалтын тасаг 6 дугаар сард тус тус зохион байгуулж арга хэмжээ бүрийг хөтөлбөр төлөвлөгөөний дагуу материалжуулан ажиллажээ.

Мөн Цагдаагийн газраас 2016 онд хамт олноо хошуучлан ажилласан Хотонт сум дахь сум дундын цагдаагийн тасгийн 8 алба хаагчийг 01 дүгээр сард Улаанбаатар хотын Цагдаагийн газрын ахмадын зөвлөлтэй уулзаж туршлага судлах, Скай ресорт цанын баазад амралтын өдрийг зөв боловсон өнгөрүүлэх 3 хоногийн эрхийн бичгээр шагнаж урамшуулав.

*Улс, аймаг бүсийн тэмцээн уралдаанд оролцсон байдал:*

Аймгийн Засаг даргын тамгын газар, Биеийн тамир спортын газраас Алба хаагчдыг биеийн тамир, спортын үйл ажиллагаанд татан оролцуулах, тэдний бие бялдрыг чийрэгжүүлэх, хөдөлгөөний хомсдолоос урьдчилан сэргийлэх, амралт чөлөөт цагийг зөв зохистой өнгөрүүлэх зорилгоор “Тамирын жавар” өвлийн бэсрэг наадмыг байгууллагуудын дунд зохион байгуулж тус наадмын хүрээд зохион байгуулагдсан тэмцээн уралдаанд цагдаагийн алба хаагчид оролцож мөсний “Кирлинг”-ийн төрөлд цагдаагийн дэд ахлагч О.Батсуурь 3-р байр,

Цагдаагийн ерөнхий газрын Хүч спорт хорооноос зохион байгуулсан Хүндийн өргөлтийн аварга шалгаруулах тэмцээнд цагдаагийн газраас 2 алба хаагч оролцож 69 кг-ын жинд О.Батсуурь мөнгөн медаль, 77 кг-ын жинд Б.Баттогтох шагналт тусгай байр, мөн хүчний “Гурван төрөлт”-ийн тэмцээнд шүүх, шүүгчийн аюулгүй байдлыг хангах хэсгийн харуулын цагдаа, цагдаагийн дэд ахлагч О.Батсуурь Суулт, Таталтын төрөлд тус 2 дугаар байр эзлэн хос мөнгөн медаль, нийлбэр дүнгээрээ хүрэл медаль,

ЦЕГ-ын аварга шалгаруулах Сагсан бөмбөг, Гар бөмбөгийн тэмцээнд шигшээ баг бүрдүүлэх, иргэд олон нийтэд цагдаагийн байгууллагын үйл ажиллагааг сурталчлах зорилгоор Хангайн бүсийн аварга шалгаруулах тэмцээн Өвөрхангай аймгийн Хархорин суманд зохион байгуулагдаж Архангай, Булган, Хөвсгөл, Өвөрхангай, Баянхонгор аймгуудын баг тамирчид хурд, хүч оюун ухаанаараа өрсөлдсөнөөс тус цагдаагийн газрын баг тамирчдаас “Үндэсний бөх”-ийн төрөлд багийн дүнгээр 3-р байр, “Шатар”-ын ганцаарчилсан төрөлд цагдаагийн хошууч Ч.Цэрэнбат 3-р байр, багийн дүнгээр 2 дугаар байр, сагсан бөмбөгийн төрөлд эрэгтэй баг тамирчид хүрэл медаль,

2017 оны 03 дугаар сарын 11-12-ны өдрүүдэд Архангай аймгийн Онцгой байдлын газар, Цэргийн штаб хамтран аймгийн тусгайлсан чиг үүрэг бүхий байгууллагуудын аймгийн аварга шалгаруулах “Марш-тактик”-ын тэмцээнд Онцгой байдлын газар, Цагдаагийн газар, Шүүхийн шийдвэр гүйцэтгэх алба, Тагнуулын хэлтсийн нийт 7 багийн 56 тамирчин оролцож хурд хүч авхаалж самбаагаа сорьсноос нийлбэр дүнгээр Цагдаагийн газрын баг тамирчид 1-р байр эзэлж алтан медаль, шилжин явах цом,

Аймгийн Биеийн тамир спорт хорооноос 05 дугаар сард зохион байгуулсан насанд хүрэгчдийн “Сагсан бөмбөг”-ийн аймгийн аварга шалгаруулах тэмцээнд нийт 32 баг тамирчид өрсөлдсөнөөс тус цагдаагийн газрын эрэгтэй баг тамирчид тэргүүн байр,

ХААН банкны нэрэмжит “Гар бөмбөг”-ийн аймгийн аварга шалгаруулах /холимог/ тэмцээнд нийт 24 баг тамирчид өрсөлдсөнөөс цагдаагийн газрын баг тамирчид тэргүүн байр эзэлж алтан медаль, шилжин явах цомоор,

Архангай аймгийн хуулийн байгууллагуудын дунд зохион байгуулсан хүчний гурван төрөлт “Фауэрлифтинг”-ийн аварга шалгаруулах тэмцээнд тус цагдаагийн газраас 6бкг жинд цагдаа, цагдаагийн дэд ахлагч Б.Даваадорж 1 алт, 1 хүрэл, хэсгийн төлөөлөгч, цагдаагийн дэслэгч Д.Цэнд-Аюуш 1 мөнгө, 73 кг жинд харуулын цагдаа, цагдаагийн дэд ахлагч О.Батсуурь 2 алт, 83 кг жинд хэсгийн төлөөлөгч, цагдаагийн ахмад Б.Баттогтох 2 алт, -93 кг жинд хэсгийн төлөөлөгч, цагдаагийн ахлах дэслэгч Э.Алтанбаатар 2 алт, +93кг жинд харуулын цагдаа, цагдаагийн ахлагч М.Ариунболд 2 хүрэл, мөрдөн байцаагч, цагдаагийн дэслэгч У.Амгаланбаатар 2 мөнгөн медалыг тус тус хүртэж багийн дүнгээр 1 дүгээр байр эзлэн шилжин явах цомоор тус тус шагнагдлаа.

*Олон нийтийг хамарсан соён гэгээрүүлэх ажил:*

Цагдаагийн газраас ЦБҮАЖ /код 802/-ын дагуу цагдаагийн газрын албаны байр болон алба хаагчийн ажиллах таатай орчныг бүрдүүлэх чиглэлээр “Цэцэгжүүлэлт” аян зохион

байгуулж 2017 оны 05 дугаар сарын 10-ны өдөр цагдаагийн газрын гадна саадад цэцгийн төгөл хийж цэцэг тарилаа. Монгол улсын Ерөнхийлөгчийн 2010 оны 63 дугаар зарлигийг хэрэгжүүлэх ажлын хүрээнд бүх нийтээр “Мод тарих үндэсний өдөр”-ийг 2017 оны 05 дугаар сарын 13-нд “Нэг иргэн-Нэг мод” урианы дор зохион байгуулахаар Архангай аймгийн Байгаль орчин, аялал жуулчлалын газраас ирүүлсэн албан бичгийн дагуу Цагдаагийн газрын алба хаагчид 11.00-14.00 цагийн хооронд Барилгын 16-р байрны баруун талд төв зам дагуу хайсанд 15 ширхэг “Хайлаас”, 50 ширхэг “Шар хуайс” модыг стандартын дагуу тарьж усаллаа.

Аймгийн засаг даргын тамгын газраас зохион байгуулсан “Эрүүл Монгол” хөтөлбөрийн хүрээнд тус цагдаагийн газрын 98 алба хаагч “Явган аялал”-д хамрагдсан.

Цагдаагийн газраас 2017 онд алба хаагчдын дунд дээрх байдлаар 19 удаа соёл хүмүүжлийн ажил зохион байгуулахад нийт алба хаагчид тэдний гэр бүл, ахмад ажилтнууд хамрагджээ.

- Урьдчилан сэргийлэх чиглэлээр зохион байгуулсан ажил, арга хэмжээ:

*Ухуулга, яриа, сургалт сурталчилгаа:*

Гэмт хэрэг, зөрчлийг таслан зогсоох, илрүүлэх, урьдчилан сэргийлэх, хуулийн хэрэгжилтийг хангуулах чиглэлээр иргэд, олон нийтийг гэмт хэрэг, зөрчилд холбогдохоос урьдчилан сэргийлэх, шинээр батлагдсан хуулийг сурталчлах, тэдний хууль, эрх зүйн мэдлэгийг дээшлүүлэх чиглэлээр 8584 иргэнийг оролцуулан зохион байгууллаа.

Цагдаагийн байгууллагын үйл ажиллагааг иргэд олон нийтэд сурталчлах, тасаг албадын ажил үйлчилгээг хүртээмжтэй хүргэх, хууль хяналтын байгууллага, иргэд, олон нийтийн хамтын ажиллагааг өргөжүүлэх зорилгоор “Аюулгүй орчныг бүрдүүлэхэд иргэдийн оролцоог сайжруулья” нээлттэй хаалганы өдөрлөгийн арга хэмжээг 2017 оны 03 дугаар сарын 17-нд Хөгжимт драмын театрт, Хуульчдын өдрийн тохиолдуулан “Иргэн танд тусална” арга хэмжээнд хуулийн байгууллагуудаас аймгийн Шүүх, Прокурорын газар, Шүүхийн шинжилгээний алба, Шүүхийн шийтгэвэр гүйцэтгэх алба, Монголын хуульчдын холбооны Архангай аймаг дахь салбар, аймгийн Өмгөөлөгчдийн зөвлөл, аймгийн Архивын хэлтэс хамтран 2017 оны 05 дугаар сарын 26-ны өдөр аймгийн Нутгийн захиргааны ордны урд талбайд тус тус зохион явууллаа.

Нээлттэй хаалганы өдрийн хүрээнд тасаг албадаас албаны хэрэгцээнд хэрэглэгдэж байгаа тусгай хэрэгсэл, машин техник, хамгаалалтын иж бүрэн хувцас, хэргийн газрын үзлэгийн цүнх, тээврийн хэрэгсэл албадан зогсоох болон бусад хэрэгслийг ард иргэдэд сурталчлан таниулж, шинээр мөрдөгдөж байгаа хууль эрх зүйн акт, заавар, журмаар бэлтгэсэн 12 төрлийн мэдээллийн самбар, 27 төрлийн 1800 гаруй санамж, сэрэмжлүүлэг, брошурыг тараан өгч ажиллаа. Хүний эрх болон хар тамхи, хүн худалдаалах гэмт хэргээс урьдчилан сэргийлэх чиглэлээр 10 ширхэг ном товхимлыг иргэдэд танилцуулан, шинэ төрлийн гэмт хэргүүдийн талаар мэдээлэл өгсөн байна.

Мөн иргэдэд галт зэвсэгтэй хэрхэн харьцах, галт зэвсэг эзэмших, хадгалах ашиглах журмыг ард иргэдэд мэдээлж, галт зэвсэг шинээр авах, бүртгүүлэх болон шилжүүлэхэд ямар материал хэрхэн бүрдүүлэх талаар 30 иргэнд зөвлөгөө өгч ажилласан байна.

Тээврийн хэрэгсэл жолоодох эрхийн лавлагаа, жолоодох эрх дуусгавар болох, тээврийн хэрэгсэл жолоодох эрхийг сэргээх үйлчилгээний талаар гарын авлага бэлтгэн 35 иргэнд зөвлөгөө өгч, шинээр хэвлэгдэн ирсэн жолооны үнэмлэхийг тараан өгч ажиллаа.

Төрийн тусгай албаны онцлогийг иргэдэд сурталчлах, алба хаагчдын авьяас чадварыг нээн хөгжүүлэх зорилгоор аймгийн Хөгжимт драмын газартай хамтран иргэдэд урлагийн тоглолт, ахлагч бүрэлдэхүүний гардан тулааны үзүүлэх тоглолт, Цэцэрлэгийн хүүхдүүдийн дунд зохион байгуулсан “Ногоон гэрэл-Цагаан шугам” тэмцээний 1,2 дугаар байранд шалгарсан урлагийн номерыг тус тус тоглон үзүүлэв.

“Хүүхэд ба хууль” сургалт зохион байгуулсан арга хэмжээний хүрээнд 7 сургуулийн 1800 орчим хүүхдэд 500 орчим гарын авлага, “Хүчирхийллийн эсрэг хамтдаа” асуулт хариултын “АХА” тэмцээнд боловсролын 6 сургуулийн 120 гаруй багш, эцэг эхийн төлөөлөл оролцож, “Хүүхдийн эрх”, Гэр бүлийн хүчирхийлэлтэй тэмцэх” тухай, “Хүүхэд хамгаалал”-н тухай хуулийн гарын авлага, санамж, сэрэмжлүүлэг 300 гаруй, “Төгсөлт” нэгдсэн арга хэмжээний хугацаанд 5 ерөнхий боловсролын сургуулийн “Сурагчдын өөрөө удирдах зөвлөл”-ийн 90 гаруй гишүүдэд хууль эрх зүйн мэдээлэл өгч, төгсөлтийн баярын өдрүүдэд 250 санамж, сэрэмжлүүлэг, 150 гарын авлага тараасан, ЦЕГ-н тэргүүн дэд даргын 2/261 тоот албан бичгийн хүрээнд мэргэжил сургалт үйлдвэрлэлийн төв, Их дээд, Ерөнхий боловсролын сургуулийн сурагчдад хууль эрх зүйн сургалт мэдээлэл хийхийн зэрэгцээ, ахуйн хэрэглээний газ, мансууруулах төрлийн бодисын хор хөнөөлийн талаар мэдээлэл хийж, 8 сургуулийн 1600 гаруй оюутан сурагчид хамрагдан, цагдаагийн газраас гаргасан сэрэмжлүүлгийн 1000 гаруй хуудсыг тараан өгсөн, эцэг эхийн зөвлөгөөнд, Ерөнхий боловсролын 9 сургууль, 13 цэцэрлэгийн эцэг эхийн зөвлөлийн ахлагч, сургуулийн захирал, нийгмийн ажилтан,

цэцэрлэгийн эрхлэгч арга зүйч нийт 300 оролцогчдод 250 гаруй гарын авлага, 2017 оны 04 дүгээр сарын 31-ний өдөр зохион байгуулсан нээлттэй хаалганы өдөрлөгийн арга хэмжээнд 5 сургуулийн 500 гаруй сурагчид хамрагдаж, 28 төрлийн 1000 гаруй санамж, сэрэмжлүүлэг, гарын авлага тарааж өгсөн, Шинэ жил” нэгдсэн арга хэмжээний хүрээнд анги удирдсан багш нар ангийн хүүхдүүдээр гарын үсэг зуруулан баталгаа бичүүлж, “2500 гаруй хүүхдэд урьдчилан сэргийлэх яриа таниулга хийж 300 гарын авлага, сэрэмжлүүлэг тараан өгч ажилласан байна.

*Ухуулга яриа, сургалт сурталчилгаанд хамрагдсан иргэд байгууллага:*

Гэмт хэрэг, зөрчлөөс урьдчилан сэргийлэх чиглэлээр зохион байгуулсан арга хэмжээний хүрээнд давхардсан тоогоор 88 алба хаагч 51 удаа 400 гаруй аж ахуйн нэгж, байгууллагад, 5 их дээд сургууль МСҮТ, ерөнхий боловсролын 25 сургуулийн оюутан сурагч, ажилчид, малчин ард иргэдэд, нийт 8584 иргэнд ухуулга, яриа, сургалт, мэдээллийг хийж, хууль эрх зүйн мэдлэг олгож, санал хүсэлтийг хүлээн авч, шийдвэрлэн ажилласан.

Төрийн болон төрийн бус байгууллага, аж ахуйн нэгжийн 2000, хувиараа хөдөлмөр эрхэлдэг 890, малчин 2000, оюутан 1450, сурагч 2154 иргэнд сургалт, сурталчилгаа, ухуулга яриа хийсэн байна.

*Бичсэн мэдэгдэл, шаардлага, авсан хариу:*

Гэмт хэргийн шалтгаан нөхцөлийг арилгуулах, гэмт хэрэг, зөрчлөөс урьдчилан сэргийлэх чиглэлээр 33 мэдэгдлийн дугаар авч, 403 байгууллага аж ахуй нэгж, албан тушаалтанд хүргүүлэн, 260 мэдэгдлийн хариуг хугацаанд нь авч, 10 дугаарт 170 мэдэгдлийн хариу ирүүлэх хугацаа болоогүй байна.

*Захиргааны хяналтад буй хүнтэй ажилласан байдал:*

Оны эхэнд хорихоос өөр төрлийн ялтай 75, хяналтын хугацаа дууссан 36, нэмж хяналтад авсан 55, нийт 166 ялтанд хяналт тавьж ажилласнаас шүүхээс шинээр хорих ял тэнсэн суллагдсан 41, хорихоос тэнсэн суллагдсан 3, хүмүүжлийн чанартай арга хэмжээ оногдуулсан, шүүхийн шийтгэх тогтоол биелүүлэхийг хойшлуулсан 11, нийт 55 ялтанд хувийн хэргийг шинээр нээж хяналт тавин ажилласан байна

Хорихоос суллагдсан, хорихоос өөр төрлийн ял шийтгэлтэй хүмүүсийг хүлээн авч бүртгэл судалгаанд хамруулахдаа гарын хээ дардас, фото зураг, анкетийг бүртгэн авч папилон болон генетик мэдээллийн санд оруулан хяналтын хувийн хэрэг нээж, бүртгэл судалгаанд авч, нэгдсэн санд мэдээллийг орууллаа.

*Нийтийн эргүүлд:*

Монгол улсын гэмт хэргээс урьдчилан сэргийлэх тухай хуулийн хэрэгжилтийг хангах чиглэлээр гэмт хэрэг, зөрчлөөс урьдчилан сэргийлэх ажилд иргэд олон нийтийг татан оролцуулах, олон нийт-цагдаагийн хамтын ажиллагаа эрчимжүүлэх, гудамж талбай, олон нийтийн газарт нийтийн хэв журам сахиулах чиглэлээр иргэдийг “Нийтийн эргүүл”-д ажиллуулах хуваарийг гарган сумдын Гэмт хэргээс урьдчилан сэргийлэх салбар зөвлөлийн даргаар батлуулж хуваарийн дагуу 19 сумын 162 төр, захиргааны байгууллага, аж ахуй нэгжийн 2500 иргэн нийтийн эргүүлд ажиллаа.

Монголын уламжлалт “Сар шинэ”-ийн баярын амралтын өдрүүдэд тодорхой төрлийн гэмт хэрэг, гарч болзошгүй осол аюулаас урьдчилан сэргийлэх чиглэлээр байгууллага, аж ахуйн нэгжүүдэд “Хариуцлагатай эргүүл жижүүр” томилон ажиллуулах, байгууллагын аюулгүй байдлыг хангаж, гэмт халдлагаас урьдчилан сэргийлэх чиглэлээр мэдэгдэл 42-ийг хүргүүлэн биелэлтэд нь хяналт тавин ажилласан.

Гэмт хэрэг, зөрчлөөс урьдчилан сэргийлэх чиглэлээр зохион байгуулсан нэгдсэн болон хэсэгчилсэн арга хэмжээ, өдөрлөг, хэлэлцүүлэг, сургалт, зөвлөгөөний хүрээнд байгууллага, аж ахуй нэгжийн ажилчид, иргэд, олон нийтийг гэмт хэрэг, зөрчилд холбогдохоос урьдчилан сэргийлэх, хууль тогтоомжуудыг сурталчлах, мэдээлэх, тэдний хууль, эрх зүйн мэдлэгийг дээшлүүлэх чиглэлээр 120 байгууллага, аж ахуйн нэгжийн 2000 гаруй хүнийг гэмт хэргээс урьдчилан сэргийлэх ажилд татан оролцуулсан.Төсөв, санхүү хүрэлцэхгүйгээс шалтгаалан урамшилт эргүүл ажиллуулаагүй.

*Олон нийтийн цагдаагийн ажилтан:*

Аймгийн хэмжээнд 2017 онд ажиллах олон нийтийн цагдаагийн ажилтны тоо, ажилтны урамшууллыг шийдвэрлүүлэх чиглэлээр аймгийн Иргэдийн хурлын даргад 2017 оны 01 дүгээр сарын 02-ний өдрийн 33/21, сумдын иргэдийн төлөөлөгчдийн хурлын дарга, засаг дарга нарт 2017 оны 01 дүгээр сарын 31-ний өдрийн 33/388 тоотой саналыг тус тус хүргүүлснээр аймгийн Иргэдийн төлөөлөгчдийн хурлын даргын 2017 оны 04 дүгээр сарын 28-ны өдрийн 122-128 тоот албан бичгээр Цэнхэр, Тариат, Ихтамир, Эрдэнэмандал, Жаргалант Хотонт сумдад олон нийтийн цагдаа ажиллуулах саналыг хүргүүлснээр Хайрхан, Цэнхэр, Хотонт сумдад олон нийтийн цагдааг томилон ажиллуулаад байна.

*Иргэдийн үүсэл санаачилгын бүлэг, тоо:*

Гэмт хэргээс урьдчилан сэргийлэх ажлын хүрээнд сумдын ГХУСАЗСЗ-ийн ажилтай

танилцан, гэмт хэргээс урьдчилан сэргийлэх хуулийн хэрэгжилтийг хангуулан, гэмт хэргээс урьдчилан сэргийлэх ажилд иргэдийн оролцоог нэмэгдүүлэх зорилгоор “Малчдын бүлгэм”, “Хөршийн хяналтын бүлгэм” байгуулах ажлыг танилцуулан ажилласнаар Эрдэнэмандал, Хайрхан, Өндөр-улаан, Ихтамир, Төвшрүүлэх, Хашаат сумдад нийт 24 малчдын бүлгэм байгуулагдан үйл ажиллагааг эрчимжүүлэн ажиллаж байна.

Иргэдийн орон байранд хууль бусаар нэвтэрч эд зүйл хулгайлах төрлийн гэмт хэргийн гаралт өсөх хандлагатай байгаад анхаарч аймгийн Иргэдийн Төлөөлөгчдийн хурдын тэргүүлэгчдийн 2016 оны 03 сарын 01-ний өдрийн 09 тоот тогтоолоор “Хөршийн хяналт”-ыг хэрэгжүүлэх хөтөлбөр журмыг батлан Хайрхан, Эрдэнэмандал, Эрдэнэбулган сумдын багт 12 хөршийн хяналтын бүлгэм байгуулагдан, гишүүдэд хууль тогтоомж, журмаар хичээл сургалтыг зохион байгуулан мэргэжил арга зүйгээр хангаж хамтран ажилласан.

-Хэвлэл мэдээллийн байгууллагатай хамтран ажилласан байдал.

Тус цагдаагийн газраас орон нутгийн хэвлэл мэдээллийн албадтай хамтран 2017 онд хамтран ажиллах гэрээ байгуулан, гэрээний хүрээнд тасаг албадаас газрын даргын баталсан хуваарийн дагуу 7 хоногт бүр эрүү, хэв журмын нөхцөл байдлыг мэдээлж, газрын даргын баталсан хуваарийн дагуу тасаг албадаас гэмт хэрэг, зөрчлөөс урьдчилан сэргийлэх чиглэлээр 35 удаа мэдээллийг өгч, 4 төрлийн зарыг 3-4 удаагийн давтамжтай мэдээг тус тус явуулж ажилласан байна.

Цагдаагийн газрын үйл ажиллагаа, алба хаагчдын өдөр тутам хийж гүйцэтгэж байгаа ажлыг иргэд олон нийтэд таниулах, цагдаагийн байгууллага иргэд олон нийттэй уялдаа холбоотой ажиллах, гэмт хэргээс урьдчилан сэргийлэх ажилд оролцох оролцоог нэмэгдүүлэх, хамтын ажиллагааны ач холбогдол, хэрэгцээ шаардлагыг ойлгуулах, үйл ажиллагааг сурталчлах зорилгоор төрөл бүрийн байгууллагын алба хаагчдыг оролцуулсан “Мэргэжил бүхэн сайхан” нэвтрүүлгийг “АВ” телевизтэй хамтран 1 удаа зохион байгууллаа.

Монголын уламжлалт “Цагаан сар”-ын баярыг угтан согтуугаар үйлдэгдсэн, тээврийн хэрэгслийн хөдөлгөөний аюулгүй байдлын ашиглалтын журмын эсрэг гэмт хэрэг, хулгайн гэмт хэргээс урьдчилан сэргийлэх чиглэлээр 2 төрлийн шторк бэлтгэн “Архангай” “АВ” телевизээр 7 хоногийн турш өдөр бүр нэвтрүүлэн иргэдийг сэрэмжлүүлэн ажиллав.

“Тамир” телевизтэй хамтран “Мал, орон байрны хулгай”, “Зам тээврийн осол, гэмт хэрэг”-ээс урьдчилан сэргийлэх 3 шторкыг бэлтгэн, телевизээр болон цахим сайтад тавьж иргэдэд сэрэмжлүүлэн ажилласан.

Тасаг албадаас “Архангай амьдрал”, “Архангай толь” сонинд 10 удаа мэдээлэл, нийтлэл бэлтгэн нийтэллээ.

Мөн “Цэнхэр халим” тоглоомын сөрөг нөлөөлөл, ахуйн хэрэглээний газ, мансууруулах төрлийн эм бэлдмэл хэрэглэх түүний хор уршиг, үр дагаврын талаар ерөнхий боловсролын сургуулийн сурагчид болон өсвөр насны хүүхдүүдэд үнэн зөв мэдээлэл хүргэх, болзошгүй үр дагавраас урьдчилан сэргийлэх зорилгоор “АВ”, “Тамир” телевизүүдээр болон “Архангай цагдаагийн газар”-ын сайтад сэрэмжлүүлэг, шторк бэлтгэн ухуулга сурталчилгааны ажлыг зохион байгуулж ажилласан.

-Авлигаас урьдчилан сэргийлэх чиглэлээр зохион байгуулсан ажил, арга хэмжээний талаар, түүний үр дүн.

Цагдаагийн газар нь 2017 онд Монгол улсын Авлигын тухай хууль, Цагдаагийн ерөнхий газрын Авлигаас урьдчилан сэргийлэх салбар зөвлөлийн жилийн ажлын төлөвлөгөөг хэрэгжүүлэх төлөвлөгөө гарган ажиллаа.

Төлөвлөгөөний дагуу “Авлигад өртөж болзошгүй эрсдэлтэй албан тушаал, түүнд ажиллаж байгаа алба хаагчид, тэдгээрт хяналт тавих албан тушаалтны судалгаа”, “Авлигад өртөж болзошгүй алба хаагчдын судалгаа”-зэргийг гарган хяналт тавин ажиллав.

Цагдаагийн газрын алба хаагчдаас хувийн ашиг сонирхлын болон хөрөнгө, орлогын мэдүүлэг гаргах нийт 66 алба хаагчийн нэрсийн жагсалтыг гаргаж, мэдүүлгийг хугацаанд нь гаргуулж авсан ба шинээр томилогдсон 5, бусад шилжилт 7 нийт 12 алба хаагчийн хөдөлгөөнийг нэгтгэж ажилласан байна.

Мэдүүлэг гаргагч 66 алба хаагчийн цаасаар болон цахим хэлбэрээр өгсөн мэдүүлэгт баталгааны маягийг хүлээн авч тулган баталгаажуулж, алдаатай бөгөлсөн 2 алба хаагчийн баталгаажилт цуцалж дахин баталгаажуулсан. Мэдүүлгийг бүрэн гүйцэд бөглөгдсөн, хугацаандаа өгсөн эсэхэд хяналт тавьж ажиллахад өөр ямар нэгэн алдаа зөрчилгүй бүрэн гүйцэд, хугацаандаа өгсөн.

Авллагаас урьдчилан сэргийлэх ажлын хүрээнд алба хаагчдад 2 удаа 4 цагийн танхимын сургалт орж, зөвлөгөө өгч ажилласан болно.

*Дөрөв: Санхүү бүртгэл, хангамж үйлчилгээний талаар*

-Байгууллагын санхүү бүртгэл, хангамж үйлчилгээний талаар хийсэн ажил, арга хэмжээ;

Тус цагдаагийн газар нь 2017 онд батлагдсан төсвийг тухайн жилд мөрдөгдөх орон тоо, үнэ тарифийн өсөлт болон бусад хүчин зүйлсийг бодитой тооцоолж зарцуулалтыг холбогдох хууль тогтоомжийн дагуу хэмнэлттэй, зөв зарцуулж ажилласнаар хэвийн үйл ажиллагаанд эерэг нөлөө үзүүлсэн байна. 2017 оны 06 дугаар сарын 09-ны байдлаар төвлөрсөн төсвийн санхүүжилт 909,064,100 төгрөгөөр батлагдаж, гүйцэтгэлээр 802,965,802 төгрөг зарцуулагдсан байна.

Төсвийн төлөвлөлтийг үндэслэл сайтай төлөвлөхийн тулд сүүлийн 3 жилийн гүйцэтгэлийг харьцуулан судалж оны эхнээс зардлын зүйл тус бүр дээр зарцуулалтын тооцоог гаргаж лимит тогтоон, гарсан зардлыг ажлын үр дүнтэй нь холбон тооцож, холбогдох арга хэмжээг авч төсвийг хэмнэлттэй үр ашигтай зарцуулж ажиллаа.

Үндсэн үйл ажиллагааны орлогын төлөвлөгөө 2017 онд 2 дүгээр улирлын байдлаар 21,1 /хорин нэг аравны нэг/ сая төгрөгөөр батлагдаж, албадан саатуулах баривчилгааны орлого, тээврийн хэрэгсэл түр саатуулахын орлогыг хууль тогтоомжид заасан төлбөр, хураамжийн дагуу орлогод авч, тээврийн хэрэгсэл түр саатуулахын орлого 3,064,000 төгрөг, албадан саатуулах байранд баривчлагдсан этгээдийн 685 өдрийн ажлын хөлсний 4,1 сая төгрөг, эрүүлжүүлэхийн 458 хүний 1,900,700 төгрөг, Монгол банктай 4 гэрээт цагдаа ажиллуулж 11,3 сая төгрөгийг тус тус цагдаагийн газрын үндсэн үйл ажиллагааны орлогоор бүртгэж төсөвт 20,3 сая төгрөг төвлөрүүлэн ажилласан байна. Үндсэн үйл ажиллагааны орлого 20,3 сая төгрөгийг төсөвт байгууллагын орлогоор бүртгэн, тайлан тэнцэлд тусган, улсын төсөвт төвлөрүүлэн ажилласан болно.

Цагдаагийн ерөнхий газрын даргын 2015 оны 05 дугаар сарын 21-ны өдрийн 279 тоот тушаал, 2016 оны 08 дугаар сарын 09-ны өдрийн Б/437 тоот тушаалаар баталснаар тус цагдаагийн газар 129 алба хаагчийн орон тоогоор ажиллаж байна.

Алба хаагчдын ажлыг сар бүрийн сүүлийн өдрөөр тасалбар болгон Монгол Улсын "Төрийн албаны тухай хууль"-ийн 19 дүгээр зүйл, Цагдаагийн ерөнхий газрын 2010 оны 06 дугаар сарын 30-ний өдрийн 351 тоот тушаалаар батлагдсан "Алба хаагчийн ажлыг үнэлэх журам" /код 111/, үндэслэн 2017 онд давхардсан тоогоор 181 алба хаагчийн цалинг 5-100% нэмж, 172 алба хаагчийн цалинг 5-30% хасаж үр дүнг тус тус тооцлоо. Алба хаагчдын цалингаас хууль тогтоомжид заагдсанаас бусад суутгалууд хийлгүй олгож байна.

Хүний нөөцийн судалгаагаар хугацаа болсон алба хаагч нараас 20 алба хаагчийн төрийн тусгай алба хаасны нэмэгдэл, 15 алба хаагчийн цалингийн шатлалыг тооцож олгох байгууллагын даргын тушаалыг үндэслэн бодож олгосон.

Санхүү бүртгэлийн ажилтан, эд хариуцагч нарын эрх зүйн мэдлэг, сахилга хариуцлагыг сайжруулах зорилгоор нярав, эд хариуцагчаар бараа материал, мөнгөн хөрөнгийн тайланг сар бүрийн 25-ны өдөр гаргуулахдаа баримтын анхан шатны бүрдэлтийг нарийн шалгаж үзэж нягтлан бодогч биечлэн хянан шалгаж авч хэвшсэн.

Нягтлан бодох бүртгэлийн анхан шатны баримт болох ажил гүйлгээг нотлох, зохих ёсоор үйлдсэн орлого зарлагын баримт, бэлэн мөнгө хүссэн өргөдөл, банкны харилцахын хуулга, нэхэмжлэх, төлбөрийн даалгаварыг гүйлгээ гарсан тухай бүр бүрдүүлж тайланг сар бүрийн 25-ны өдрөөр тасалбар болгон гаргуулж, гүйцэтгэлийн хяналт тавих ажиллагааг нягтлан бодогч биечлэн хянаж шалган, хүлээн авч ажиллаа.

"Төсвийн байгууллагад мөрдөгдөх мөнгөн кассын ажиллагааны журам"-ын 2.1- д заасны дагуу мөнгөн кассын гүйлгээг нярав хариуцан Төсвийн байгууллагын мөнгөн кассын ажиллагааны журмын дагуу мөнгөн касс бэлэн мөнгө, үнэт цаасны баримтыг нэг бүрчлэн бүрдүүлж орлогод авах, мөнгөн кассын орлого, зарлагын ордерийг тухай бүр бичиж төсвийн эрх захирагч, нягтлан бодогчийн гарын үсгээр баталгаажуулах, зарлагыг төсвийн эрх захирагч нягтлан бодогчоор заавал зөвшөөрүүлэн олгож хэвшсэн. Төсвийн гүйцэтгэлийн сарын мэдээг сар бүр боловсруулж дараа сарын 01-ний өдөр ЦЕГ-ын Санхүү хангамжийн газарт хүргүүлж хэвшсэн.

Тус газар 2017 оны 2 дүгээр улирлын байдлаар торгуулийн хуудас 2000 ширхэг, шийтгэвэр 3000 ширхгийг захиалан авч байгууллагын өдөр тутмын үйл ажиллагаандаа ашиглан ажиллаж, эрх бүхий алба хаагчидтай тооцоог тухай бүрд нь хийж, аймгийн хүү торгуулийн 010000985 тоот дансанд 2017 оны 06 дугаар сарын 09-ны байдлаар 120,4 сая төгрөгийг төвлөрүүлсэн байна.

Урсгал төсвийн зардал, тогтмол зардлууд болох гэрэл цахилгаан, түлш халаалт, цэвэр бохир усны зардал нь батлагдсан төсвийн хүрээнд хэмнэлттэй зөв зарцуулж байна.

Шуурхай албанд ашиглагдаж байгаа автомашины техникийн бүрэн бүтэн байдалд хяналт тавьж, цаг хугацаанд нь засвар үйлчилгээг хийж, норм нормативаар нь тооцон 2017 оны 6 дугаар сарын 06-ны байдлаар 11,9 сая төгрөгийн сэлбэг хэрэгслийг олгож, иргэд байгууллагаас ирүүлсэн гомдол мэдээллийг шалгах, гэмт хэрэг зөрчлөөс урьдчилан сэргийлэх, оргодол этгээдүүдийг олж баривчлах, байгууллагын бэлэн байдлыг хангах

ажиллагаанд 2017 оны 6 дугаар сарын 09-ны өдрийн байдлаар 29,2 сая төгрөгийн шатах тослох материалаар бүрэн ханган ажилласан байна.

Тус газар Сангийн яамны [tof.gov.mn](http://tof.gov.mn) сайтаас цагдаагийн газрын үндсэн санхүүжилтийн 100010012001 тоот данс, нэмэлт санхүүжилтийн 100010012402 тоот данс, хүү торгуулийн орлогын 100010000985 тоот дансны орлого, зарлагын гүйлгээний хуулгыг тухай бүрд нь авч санхүүгийн үйл ажиллагааг төлөвлөх, цалин хөлснөөс суутгасан нийгмийн даатгалын тайланг онлайнаар сар бүр Нийгмийн даатгалын ерөнхий газрын [ndaatgal.mn](http://ndaatgal.mn) нэгдсэн сайтад байрлуулах, мөн цалин хөлснөөс суутгасан татварын тайланг Татварын ерөнхий газрын [e-tax.mta.mn](http://e-tax.mta.mn) сайтад онлайнаар тоон гарын үсэг ашиглан илгээж хэвшсэн байна.

-Шилэн дансны ил тод байдлыг хангах чиглэлээр зохион байгуулсан ажил, арга хэмжээ.

Шилэн дансны тухай хуулийн 4 дүгээр зүйлд заасан зарчмын дагуу мэдээллийг төрийн сангийн гүйлгээгээр баталгаажуулж үнэн зөв, бодитой, иж бүрэн, ойлгомжтой, тогтоосон хугацаанд, шуурхай мэдээлж ажиллаж байна.

Шилэн дансны тухай хуулийн 5 дугаар зүйлийн 5.1, Монгол улсын засгийн газрын 2016 оны “ ШИЛЭН ДАНСНЫ ЦАХИМ ХУУДСАНД ТАВИХ МЭДЭЭЛЛИЙН АГУУЛГА, НИЙТЛЭГ СТАНДАРТЫГ ТОГТООХ ЖУРАМ” 29 дүгээр тогтоолын 2 дугаар заалтын дагуу мэдээллийг бүрэн оруулан өөрийн байгууллагын цахим хуудсанд цагдаагийн газрын 2016 оны санхүүгийн тайланд хийсэн аудитын дүгнэлтийг мэдээлж, цагдаагийн газрын 2016 оны тодотгосон төсвийн мэдээллийг шилэн дансны цахим хуудсанд байршууллаа. Цагдаагийн ерөнхий газрын болон байгууллагын цахим хуудсанд цагдаагийн газрын мэдээллийг хугацаанд нь үнэн зөв оруулж хэвшсэн ба энэ оны эхний хагас жилд нийт 60 төрлийн мэдээлэл байршуулсан бөгөөд төсөв/гүйцэтгэл 17 мэдээлэл, хөрөнгө оруулалт, тендер, худалдан авалт хэсэгт 17 мэдээлэл, бусад хэсэгт 26 мэдээлэл тус тус байршуулсан байна. 2017 оны 5 сард төвлөрсөн төсвийн санхүүжилт 766,978,000 төгрөгөөр батлагдаж гүйцэтгэлээр 746,182,032 төгрөг зарцуулсан. Бусад байгууллага иргэдэд өгөх өглөг 3,2 сая төгрөг, авлага 3,2 сая төгрөг байна. Таван сая төгрөгөөс дээш үнийн дүн бүхий худалдан авсан бараа, ажил үйлчилгээний нэр, санхүүжилтийн хэмжээ, нийлүүлэгчийн нэр, хаяг цэсэд Эх голомтын элч ХХК-аас нийт 43,7 сая төгрөг, НИК ХХК-аас 28,2 сая төгрөгийн худалдан авалт тус тус хийсэн талаар мэдээллийг байршуулжээ.

*Тав: Алба хаагч, ажилтны ажиллах нөхцөл, нийгмийн асуудлыг хангах, эрүүл мэндийг хамгаалах чиглэлээр*

-Алба хаагчдын ажиллах нөхцөл байдал, нийгмийн асуудлыг дээшлүүлэх чиглэлээр;

Хууль зүй дотоод хэргийн сайдтай Архангай аймгийн Засаг даргын 2017 онд хамран ажиллах талаар байгуулсан гэрээний дагуу орон нутгийн санхүүжилтээр цагдаагийн байгууллагын үйл ажиллагаанд тоног төхөөрөмж /police reader8 согтуурал хэмжигч багаж, хурд хэмжигч төхөөрөмж г.м/ худалдан авах 30000000 /гуч сая/ төгрөгийг шийдвэрлээд байна.

Мөн Засгийн газарт ашиглагдаж байсан туулах чадвар, хурд хүч сайтай Ланд крузер 200 /хуучин/ маркийн хөтөч авто машиныг Төрийн өмчийн хорооноос баланс хооронд шилжүүлж шийдвэрлэсэн.

Цагдаагийн газрын алба хаагчдын ажиллах нөхцөл боломжийг бүрдүүлэх зорилгоор “Хурлын заал”-ны засвар үйлчилгээнд 15000000 /Арван таван сая/ төгрөгийг орон нутгийн санхүүжилтээр шийдвэрлэн засварлан алба хаагчдын ажиллах таатай орчныг бүрдүүллээ.

Алба хаагчдын нийгмийн асуудлыг шийдвэрлэх зорилгоор Цагдаагийн байгууллагын үйл ажиллагааны журмын дагуу туслах аж ахуй эрхлэн Ихтамир сумын Эрдэнэ толгой баг Талын толгой газарт нийт 1 га талбайд тус газрын алба хаагчид 1,2 тонн кг төмс, хүнсний ногоо тариалаад байна.

Орон нутгийн хэсгийн төлөөлөгч, цагдаа нарын ажиллах, амьдрах нөхцөл боломжийг бүрдүүлэх, засвар үйлчилгээ хийх нэн шаардлагатай кобан барилгын судалгааг гарган 2017 оны 05 дугаар сард Батцэнгэл сум дахь цагдаагийн кобан барилгыг Цагдаагийн ерөнхий газрын 7800000 төгрөгийн санхүүжилтээр “Тулгуур түмэн тулга” ХХК-аар засварын ажлыг гүйцэтгүүлж ашиглалтад оруулсан.

Цагдаагийн байгууллагын эзэмшлийн газарт алба хаагч, ажилчдын нийгмийн асуудлыг шийдвэрлэх зорилгоор байгууллагаас орон сууц бариулах, түүний захиалгад эхний ээлжинд өөрийн өмчлөлийн орон сууцгүй, эсхүл орон сууцны нөхцөлөө сайжруулах шаардлагатай алба хаагчдын судалгаанд үндэслэн Цагдаагийн газрын алба хаагчдын хөнгөлөлтэй орон сууц 1 мк талбайг 950000 төгрөгөөр барихаар “Тулгуур түмэн тулга” ХХК-тай тохиролцон бэлтгэл ажлыг ханган ажиллаж байна.



Цагдаагийн газрын шуурхай албаны болон хөдөлгөөнт эргүүлийн цагдаа жолооч нарыг чадавхжуулах, мэргэжлийн ур чадварыг дээшлүүлэх, хууль эрх зүйн мэдлэгийг сайжруулах, албаны бэлэн байдлыг хангах, шинэ санал, санаачилгыг дэмжих зорилгоор 45 хоногийн аян зохион байгуулж аяны хүрээнд цагдаа-жолооч нар өөрсдийн санал, санаачилгаар цагдаагийн газрын авто гражийн өнгө үзэмжийг сайжруулан дотор хэсэг шохой болон будгаар өнгөлгөө хийн, шалыг цементээр цутгаж, галын булан, дотор гэрэл, цахилгаан монтажийг шинэчлэх ажлыг зохион байгууллаа. Мөн алба хаагчид хөдөлмөр хамгаалах хувцас, багаж хэрэгсэл хадгалах шүүгээ, автомашинд засвар үйлчилгээ хийж мотор өргөгч тайл, хөшүүлэг, дугуйт тавцан гэх мэт гарын доорх хаягдал материалаар тоног төхөөрөмж хийж өөрсдийн ажиллах нөхцөл боломжийг бүрдүүлсэн байна.

Тус цагдаагийн газрын Спорт хамтлагийн ахлагчийн санаачлагаар цагдаагийн газрын нийт бие бүрэлдэхүүн спорт уралдаан, аялал зугаалга, нийтийн хамарсан соён гэгээрүүлэх арга хэмжээг өссөх ижил загварын БНСУ-ын чанартай материалаар биеийн тамирын хувцас хийлгэх захиалга өгч 120 алба хаагч хувцастай болоод байна.

Алба хаагчид албан үүргээ гүйцэтгэх, гэмт хэрэг, зөрчлөөс урьдчилан сэргийлэх, иргэдэд түргэн шуурхай үйлчлэх нөхцөл боломжийг бүрдүүлж Police reader бэлэн бус торгуулийн төхөөрөмжийг орон нутгийн төсвөөс орон нутгийн хэсгийн төлөөлөгч нарт 3 ширхэг, төвийн эргүүлийн Элентра маркийн авто машин 1 ширхэгийг шийдвэрлүүлсэн.

Байгууллагын хамт олны 2017 оны 01 дүгээр сарын 22-ны өдрийн хурлаар алба хаагчдыг мөнгөн хуримтлалтай болгох, мөн санхүүтэй холбоотой эрсдэлийг бууруулах зорилготойгоор алба хаагч нэг бүрт хадгаламжийн дэвтэр нээлгэн сар бүрийн цалингаас алба хаагчид өөрсдийн боломжит мөнгөн дүнг суутган ХААН банктэй гэрээг 13 сарын хугацаатай жилийн 18,0 хувийн хүүтэй байгуулсан. Одоогоор алба хаагч бүр дунджаар 16,7 сая төгрөгний хадгаламжтай болоод байна.

Шинээр батлагдсан Цагдаагийн албаны тухай хуулийн дагуу аймгийн төвөөс бусад сум орон нутагт 60 сараас дээш хугацаагаар ажилласан 2 алба хаагчийн материалыг тавигдах шаардлагын хэмжээнд бүрдүүлэн 30 сарын тэтгэмжийг олгуулахаар шийдвэр гараад байна.

Цагдаагийн газрын ажилчин, алба хаагчдын сайн дурын санаачлагаар бий болгосон дундын мөнгөн хуримтлал болох “Журмын нөхөр” сангаас зарцуулах журмын дагуу нийт 5,1 сая төгрөгийг сангаас зарцуулав.

2017 оны сар шинийн баярыг тохиолдуулан Цагдаагийн газрын дэргэдэх ахмадын хороонд бүртгэлтэй ахмад настнуудыг Цагдаагийн газрын удирдлага хүлээн авч хүндэтгэл үзүүлэх арга хэмжээг 2-р сард зохион байгуулан тэдэнтэй уулзан санал хүсэлтийг сонсож, амьдрал ахуйтай нь танилцан зоог барьж, 10 кг бүхий гурил хүн нэг бүрт олгов. Амьдралын баталгаажих түвшингээс доогуур орлогтой өндөр настан Ж.Батбаатарт 50000 төгрөгийн буцалтгүй тусламж, хамгийн өндөр настай ахмад настан С.Батнасанд 130000 төгрөгийн үнэ бүхий хонины ууцыг гардуулан хүндэтгэл үзүүллээ.

Ахмад настан Бат.Эрдэнэцогт, Д.Ганзориг, Л.Дэмиддагвий, О.Норовдондов, Л.Данзансамбуу, Г.Ганбат нарын 6 хүнд Ахмад настны тухай хуулийн холбогдох заалтыг үндэслэн ЦЕГ-ын харъяа “Сүүж уул” амралтанд амарч сувилуулахад 50 хувийн хөнгөлөлт үзүүлж, байгууллагаас зохих зардлыг гаргахаар шийдвэрлэн эрхийн бичиг олгосон байна.

Аймгийн Цагдаагийн газрын “Б” танхимд ахмад настнуудыг чөлөөт цагийг зөв өнгөрүүлэх “Ахмадын өрөө”-г шинээр гаргаж, засварын ажилд зориулж 100000 төгрөгийн барилгын материалын туслалцаа үзүүлж, 2 алба хаагчыг засварын ажилд оролцуулсан байна.

Цагдаагийн газрын даргын тушаалаар ахмад настнууд шинэ залуу ажилтнуудыг ажил албанд сурган дадлагажуулах, мэргэжил арга зүйн зөвлөлгөө өгүүлэх зорилгоор төв хөдөөгийн 9 тасаг албанд нийт 11 ахмад настанг зөвлөхөөр томилон, гэрээ байгуулан ахмадын хорооны дарга, тасгийн дарга нар үр дүнг тооцон ажиллаж байна.

-Эрүүл мэндийг хамгаалах чиглэлээр зохион байгуулсан ажил, арга хэмжээ;

Цагдаагийн газрын даргын 2017 оны 01 дүгээр сарын 11-ний өдрийн А/06 дугаар тушаалаар Алба хаагчийн эрүүл мэндийг хамгаалах комисс байгуулан аймгийн Эрүүл мэндийн газартай хамтран ажиллах төлөвлөгөө гарган батлуулан ажиллаж байна.

Монгол Улсын Эрүүл мэндийн сайдын 2016 оны 09 дүгээр сарын 22-ны өдрийн А/54 дүгээр тушаалаар “Хепатитын В вирусийн халдвараас сэргийлье” урианы дор явагдаж буй дархлаажуулалтын аяны хүрээнд аймгийн Эрүүл мэндийн газар, Немойн нэрэмжит нэгдсэн эмнэлгийн Захиргаа, Монголын элэгний эмч нарын нийгэмлэг, Оном сантай хамтран элэгний хатуурал, хорт хавдрыг үүсгэгч элэгний вирусийн халдварыг эрт илрүүлэх, уг өвчний хүндрэлээс урьдчилан сэргийлэх эмчилгээнд хамруулах ажлыг 2016 оны 10 дугаар сараас зохион байгуулж 2017 оны 04 дүгээр сарын 23-д 3 дахь тунг үргэлжлүүлэн хийж алба хаагчдыг бүрэн хамрууллаа.

Архангай аймгийн Засаг даргын 2017 оны 04 дүгээр сарын 05-ны өдрийн А/131 дугаар захирамжаар Хүн амын бие бялдрын чийрэгжилтийн түвшин тогтоох, сорилын сарын аяны хүрээнд Биеийн тамир спортын газрын мэргэжилтнүүд сорил авч, чийрэгжилтийн түвшнийг тогтоолоо.

Мөн Архангай аймгийн Эрүүл мэндийн газартай хамтран албан байгууллагуудад "Алхалт-аэробик"-ийн сургагч багш бэлтгэх сургалтад Нийтийн хэв журам хамгаалах тасгийн Мэдээлэл хүлээн авагч цагдаа, Цагдаагийн ахлагч Ц.Мандухай оролцож гэрчилгээ авсан ба цаашид алба хаагч нарын эрүүл мэндийг хамгаалах чиглэлээр дасгал хөдөлгөөн зааж сургахаар төлөвлөн ажиллаж байна.

Цагдаагийн газрын алба хаагчдын эрүүл мэндийг хамгаалах, нөхөн сэргээх чиглэлээр Цагдаагийн ерөнхий газрын "Сүүж уул" сэргээн засах сувиллын газарт амрах алба хаагчдын нэрсийг авч, хуваарь гарган, амралтын тал зардлыг хамт олны "Журмын нөхөр сан"-аас олгож, 2 алба хаагч, 1 ахмад ажилтан хамрагдаад байна.

Архангай аймгийн Эрдэнэбулган сумын иргэд, албан хаагчдыг "Цусны даралт ихсэлт, түүний хүндрэлээс сэргийлье" 3 сарын аяны хүрээнд "Өглөөний алхалт, гүйлт, дасгал" аян зохион байгуулагдаж, энэ аяны хүрээнд Цагдаагийн газрын нийт бүрэлдэхүүн 2017 оны 06 дугаар сарын 07-ны өдөр Булган уул уруу явган аялал хийлээ.

-Байгууллагын аюулгүй байдлыг хангах чиглэлээр зохион байгуулсан ажил, арга хэмжээ.

Цагдаагийн байгууллагын үйл ажиллагааны журмын "Дотоод аюулгүй байдлыг хангах /код113/ журам"-ын дагуу цагдаагийн газрын дотоод аюулгүй байдлыг хангах ажлын хэсгийг дэд бөгөөд эрүүгийн цагдаагийн тасгийн даргаар ахлуулан 6 алба хаагчийн бүрэлдэхүүнтэй томилж, байгууллагын аюулгүй байдлыг хангах ажлыг хүний нөөцийн, алба хаагчийн, мэдээллийн, санхүүгийн, галт зэвсэг, тусгай хэрэгслийн, барилга байгууламж /объект/-ийн гэсэн чиглэлээр нэгдсэн төлөвлөгөө гарган хэрэгжүүлэх ажлыг зохион байгууллаа.

Тус цагдаагийн газраас 2017 онд цагдаагийн газрын хэмжээнд Дотоод аюулгүй байдлыг хангах чиглэлээр 7 зүйл, 47 заалт бүхий ажлын төлөвлөгөө гарган хэрэгжүүлж, тодорхой ажлуудыг зохион байгууллаа. Тухайлбал: байгууллагын аюулгүй байдал, мэдээллийн аюулгүй байдлыг хангах чиглэлээр 2017 оны эхний хагас жилд цагдаагийн газрын даргын 2017 оны 01 дүгээр сарын 13-ны өдрийн баталсан удирдамжийн дагуу "Цахим-Хяналт" хэсэгчилсэн арга хэмжээг 01 дүгээр сард 10 хоногийн хугацаанд зохион явуулж нийт 14 алба хаагчийн албаны компьютер, шаардлагатай мэдээлэл агуулсан файлуудын аюулгүй байдлын шаардлага хангасан нууц түлхүүрээр хамгаалагдсан эсэхэд үзлэг шалгалт явууллаа.

Шалгалтаар 3 алба хаагчийн төрийн нууц мэдээлэл агуулсан зарим нэг файлууд нууц түлхүүрээр хамгаалагдаагүй зөрчил илэрснийг тухайн алба хаагчдад анхааруулга өгч, зөрчлийг арилгуулан цаашид дахин давтан зөрчил дутагдал гаргахгүй байх талаар зааварчилгаа өгч хяналт тавин ажиллаа.

Мөн цагдаагийн газрын 1 давхрын хэрэг бүртгэгч, мөрдөн байцаах алба хаагчдын өрөөний төмөр сараалжийг сольж, эд мөрийн баримт хадгалах өрөөг шинэчлэн засварлан бүртгэлийг нээж тусгаарлах тавцан, цонх болон хаалганы аюулгүй байдлыг хангаж камержуулсан. Цагдаагийн газрын галт зэвсэг хадгалах өрөөг тусгай хэрэгсэл хадгалах өрөөнөөс тусгаарлан засварлах ажлыг зохион байгуулжээ.

*Зургаа: Дотоод хяналтын хүрээнд*

-Байгууллагын үйл ажиллагаанд хяналт-шинжилгээ хийсэн байдал; /код-110/ -

Энэ оны 01 дүгээр сард хуралдсан газрын даргын зөвлөлийн 01 дүгээр хурлаар өнгөрсөн онд газрын даргатай "Төрийн алба хаагчийн үр дүнгийн гэрээ" байгуулан ажилласан 120 алба хаагчийн гэрээг дүгнэв. Дүгнэгдсэн алба хаагчдын 19 буюу 15,8 хувь нь "А" /Маш сайн/, 59 буюу 49,1 хувь нь "В" /Сайн/, 36 буюу 30 хувь нь "С" /Хангалттай/, 6 буюу 5 хувь нь "D" /Дутагдалтай/ үнэлгээ авлаа.

Төрийн алба хаагчийн үйл ажиллагааны үр дүн, мэргэшлийн түвшинг үнэлэх журмын дагуу "А" үнэлгээ авсан алба хаагчдыг албан тушаал дэвшүүлэх саналыг эрх бүхий байгууллагад гаргах, сарын үндсэн цалингийн 20 хувьтай тэнцэх урамшуулал олгох, "В" үнэлгээ авсан алба хаагчдыг зохих шатны сургалтанд хамруулах, сарын үндсэн цалингийн 10 хувьтай тэнцэх урамшуулал олгох, "С" үнэлгээ авсан алба хаагчдыг одоогийн албан тушаалд нь хэвээр ажиллуулах, "D" үнэлгээ авсан алба хаагчдад хугацаатай үүрэг даалгавар өгч, дутагдаж буй мэдлэг чадвар олгох сургалтанд хамруулахаар шийдвэрлэв.

Цагдаагийн газрын удирдлага энэ онд төрийн алба хаагчийн үр дүнгийн гэрээ байгуулвал зохих 129 алба хаагчтай гэрээ байгууллаа.

Цагдаагийн газрын даргын 2017 оны 02 дугаар сарын 15-ны өдрийн а/16 тоот тушаалаар төвийн болон орон нутгийн тасаг, хэсгийн 2016 оны үйл ажиллагаанд хяналт

шалгалт явуулж биелэлт үр дүн даргын зөвлөлийн хуралд танилцуулж зөвлөмж хүргүүлж ажиллаа.

Аймгийн Аудитын газраас тус цагдаагийн газрын 2016 оны санхүүгийн үйл ажиллагааг шалгаж санхүүгийн байдал, санхүүгийн үр дүн, өмчийн өөрчлөлт болон мөнгөн гүйлгээний тайлан нь хууль дүрэм журмын дагуу үнэн зөв илэрхийлэгдсэн “СТАНДАРТ ТАЙЛАН, ЗӨРЧИЛГҮЙ ДҮГНЭЛТ”-ээр баталгаажуулсан.

Байгууллагын эрсдэлийн удирдлагын талаар;

Тус цагдаагийн газар нь байгууллагын зорилго, зорилттой уялдуулан эрсдэлийн тохиолдох магадлал болон нөлөөллийг оновчтой доторхойлох, тэдгээрийн шалтгаан холбоог авч үзэх, эрсдэл гарсан тохиолдол бүрийг бүртгэх, эрсдэлийн үнэлгээний мөрөөр менжментийн төлөвлөгөө гарган хэрэгжилийг хангах орон тооны бус зөвлөлийг цагдаагийн газрын даргаар ахлуулан 2017 оны 05 дугаар сард шинэчлэн байгуулсан.

Хууль зүйн сайдын 2013 оны А/248 тоот тушаалаар батлагдсан “Хууль зүйн сайдын эрхлэх асуудлын хүрээний агентлаг, байгууллагын эрсдэлийг үнэлэх аргачлал”, “Цагдаагийн байгууллагын үйл ажиллагааны эрсдэлийн удирдлагыг хэрэгжүүлэх /код-137/ журам”-ын дагуу байгууллагын удирдлагын баг эрсдэлийг бүртгэлийг хөтлөн, эрсдэлийн үнэлгээг шалгуур үзүүлэлтийн дагуу үнэн зөв, бодитой бүртгэн, үнэлгээний мөрөөр эрсдэлийг шийдвэрлэх арга замыг судалан одоогоор төсөв санхүүгийн эрсдэл 15, үйл ажиллагааны эрсдэл 57, нийцлийн буюу эрх зүйн зохицуулалтын эрсдэл 8, гадаад хүчин зүйлийн буюу давагдашгүй хүчин зүйлийн эрсдэл 8-ийг бүртгээд байна.

Үүнээс эрсдэлийн шийдвэрлэх арга замын төлөвлөгөөнд магадлал болон нөлөөллөөр өндөр тогтоогдсон төсөв санхүүгийн эрсдэл 7, үйл ажиллагааны эрсдэл 23, нийцлийн буюу эрх зүйн зохицуулалтын эрсдэл 3, гадаад хүчин зүйлийн буюу давагдашгүй хүчин зүйлийн эрсдэл 4 тодорхойлж, урьдчилан сэргийлэх, арилгах арга хэмжээг төлөвлөн хэрэгжүүлж байна.

Цагдаагийн ерөнхий газрын 2017 оны 6/58 дугаар тушаалаар батлагдсан “Цагдаагийн байгууллагын алба хаагчдын мэдлэг, ур чадварыг дээшлүүлэх 2017 оны сургалтын календарчилсан төлөвлөгөө”-ний дагуу “Эрсдэлийн удирдлага”, “Хяналт шинжилгээ үнэлгээ, дотоод аудит, эрсдэлийн удирдлага” сэдэвт сургалтад тус газрын Төлөвлөлт, зохион байгуулалтын тасгийн дарга нийт 2 кридит сургалтад хамрагдсан болно.

-Хяналт шалгалт, албаны шалгалтын талаар;

Цагдаагийн газрын удирдлага нь Монгол улсын Засгийн газрын 2011 оны 311 дүгээр тогтоолоор батлагдсан “Байгууллагын үйл ажиллагаанд дотоод хяналт шалгалтыг зохион байгуулах нийтлэг журам”, Хууль зүйн сайдын 2015 оны А/238 дугаар тушаалаар батлагдсан “Цагдаагийн байгууллагын үйл ажиллагаанд дотоод хяналт, шалгалтыг зохион байгуулах журам”-ын дагуу тасаг, албад, алба хаагчдын ажлын алдаа, зөрчил дутагдлыг засч арилгах, таслан зогсоох, ажлын хэвийн нөхцлийг хангах, чанар үр дүнг дээшлүүлэх, алба хаагчдын ажлын болон сахилга ёс зүйн дутагдлыг илрүүлэх, засуулах зорилгоор “Дотоодын хяналт шалгалтын нэгдсэн төлөвлөгөө”-ны дагуу цагдаагийн газрын даргын тушаалаар “Тээврийн хэрэгсэл согтуугаар жолоодсон зөрчлийг шалгаж шийдвэрлэсэн байдал”-д “Захиргааны зөрчлийг бүртгэх, шалгаж шийдвэрлэх хариу өгөх ажиллагаа”, “Дотоод албаны дүрмийн хэрэгжилтийг шалгах /Алба хаагчдын сахилга ёс зүй, дүрэмч ажиллагаа/, “Иргэдээс ирүүлсэн гэмт хэрэг, зөрчлийн мэдээллийг түргэн шуурхай бүртгэн авч шийдвэрлэж буй байдал, “Гэмт хэрэг зөрчлийн дуудлага үнэлгээний хуудас”-ны хэрэгжилт, Захиргааны зөрчлийн шийдвэрлэлт, нэгдсэн сан, шийдвэрийн хуудасны зарцуулалттай тулгалт хийх, зэрэг дотоодын хяналт шалгалт явуулж зөрчил дутагдлыг арилгаж даргын зөвлөлийн хурлаас үүрэг чиглэл өгч биелэлт үр дүнг тооцлоо.

Улсын онц чухал объектын харуул хамгаалалтад ажиллаж байгаа алба хаагчдыг аюулгүй байдал, албаны сонор сэрэмжийг сайжруулах чиглэлээр төлөвлөгөөт бус 1 удаа шалгалт хийж, тухай бүр үүрэг чиглэл өгөв. Цагдаагийн газрын хэмжээнд ашиглагдаж байгаа, гар станцыг жижүүрийн шуурхай албанд нэгтгэн, жижүүрийн шуурхай албан байвал зохих эд зүйлсийг бүрдлийг 1 удаа шалган дутуу эд зүйлийг бүрдүүлэх арга хэмжээг зохион байгуулан албаны бэлэн байдлыг хангуулж, томилгоот алба хаагчдад үүрэгт хугацаанд тогтмол ашиглуулж байна.

Цагдаагийн газрын дарга 18 сумдын хэсгийн төлөөлөгч, цагдаа нарын ажлыг шалган зааварчлах, сумдын Засаг дарга, Иргэдийн төлөөлөгчдийн хурлын дарга нартай уулзаж, алба хаагчдын ажиллах, амьдрах орчин, нийгмийн асуудлыг шийдвэрлэх ажлын хүрээнд нийт сумдаар 2 удаа хяналт шалгалт хийсэн байна.

Энэ хугацаанд дээрх зорилгоор 12 удаа албаны шалгалт явуулахад давхардсан тоогоор 22 алба хаагч холбогдон шалгагдсанаас 18 нь офицер, 4 ахлагч бүрэлдэхүүн байна.

Албаны шалгалт явуулсан зөрчлийг хэлбэрээр нь авч үзвэл: Хэрэг маргаан дутуу шалгасан 1, хээл хахууль шан харамж авсан 2, цагдаагийн харьцааны соёл, ёс зүй зөрчсөн 1, ажлын хариуцлага алдсан 1, архидаан согтуурсан 2, ЭБШХ болон бусад хууль дүрэм зөрчсөн 5, ажил тасалсан 1 зөрчилд албаны шалгалт явуулснаас ЭБШХууль, бусад дүрэм журам зөрчсөн 4, хэрэг материал дутуу шалгасан 1, цагдаагийн алба хаагчийн харьцааны соёл, ёс зүй зөрчсөн 1, ажлын хариуцлага алдсан 1, ажил тасалсан 1 тус тус зөрчил байна.

Зөрчилд холбогдон шалгагдсан алба хаагчдыг тасаг, албадаар нь авч үзвэл: Хэрэг бүртгэх, мөрдөн байцаах тасаг 7, Эрүүгийн цагдаагийн тасаг 7, Нийтийн хэв журам хамгаалах тасаг 5, Төлөвлөлт зохион байгуулалтын тасаг 3 алба хаагч холбогджээ.

Албаны шалгалтын дүнг газрын даргын зөвлөлийн хурлаар хэлэлцэн 15 алба хаагчийн цалинг бууруулж, 1 алба хаагчийг албан тушаал бууруулах, 1 алба хаагчид сануулах арга хэмжээ авсан ба 5 алба алба хаагчид холбогдох зөрчил тогтоогдоогүй байна.

*Долоо: Дүгнэлт*

Тухайн тайлангийн хугацаанд хийж гүйцэтгэсэн ажлын үр дүн, цаашид анхаарах асуудал, хэрэгжүүлэх арга хэмжээ:

Тус цагдаагийн газраас алба хаагчдын нийгмийн баталгаа, эрүүл мэндийг хамгаалах, сургалт чанарыг дээшлүүлж, гэмт хэргийн гаралтыг бууруулах, хэргийн илрүүлэлтийг сайжруулах талаар авч хэрэгжүүлсэн ажил, арга хэмжээ бодит хүрсэн үр дүн, аймгийн эрүүгийн болон хэв журмын нөхцөл байдлуудтай уялдуулан 2017 онд дараах ажлыг хэрэгжүүлэхээр төлөвлөж байна. Үүнд:

1. Архангай аймагт ихээр үйлдэгдэж байгаа мал хулгайлах, орон байрны хулгайн гэмт хэрэгтэй тэмцэх, урьдчилан сэргийлэх ажлыг тогтмолжуулж, энэ төрлийн гэмт хэргийг бууруулах, цаашид зарим нэг шинэлэг ажлыг нэвтрүүлж, хяналт шалгалтын үйл ажиллагаанд хяналтын камерын системийг өргөнөөр нэвтрүүлэх.

2. Төв зам дагуу гарч байгаа зам тээврийн ослын шалтгаан нөхцөлийг тогтоож, нас баралтыг бууруулан, хар цэгийг тодорхойлж замын хөдөлгөөний аюулгүй байдлын журам зөрчсөн гэмт хэрэг, зөрчлөөс урьдчилан сэргийлэх ажлыг тасралтгүй үр дүнтэй зохион байгуулах.

3. Хор хохирол үүсэхээс нь өмнө гэмт явдлаас урьдчилан сэргийлэх бодлого боловсруулж хэрэгжүүлэх шаардлагатай байгааг цаашид анхаарч хүн амын нягтрал, нийгэм эдийн засгийн нөхцөл байдалтай уялдуулан урьдчилан сэргийлэх арга хэмжээнүүдийг шат дараалан авч байх саналыг аймаг, сумдын удирдлагад тухай бүр боловсруулан хүргүүлэх, хэрэгжилтийг хангах

4. Алба хаагчдын мэргэжлийн мэдлэг, ур чадварыг дээшлүүлэх, сахилга ёс зүй, ажлын хариуцлагыг сайжруулах талаар үр дүнтэй ажил арга хэмжээнүүдийг шинэлэг байдлаар зохион байгуулж, сургалтын чанарыг ахиулах.

5. Байгууллага, алба хаагчийн аюулгүй байдлын ханган алба хаагчдын эрүүл мэнд, нийгмийн хамгааллыг сайжруулах чиглэлээр шат дараалсан ажлыг зохион байгуулах. .

6. “Иргэдэд ойр, эрх зүйн үйлчилгээний жил”-ийн хүрээнд шинэлэг ажлыг санаачилж үр дүнтэй зохион байгуулах зэрэг ажлыг төлөвлөсөн болно.

ХЯНАСАН:

ЦАГДААГИЙН ГАЗРЫН ДАРГА,  
ЦАГДААГИЙН ДЭД ХУРАНДАА

Э.ЗОЛБААТАР

ТАЙЛАН БИЧСЭН:

ТӨЛӨВЛӨЛТ, ЗОХИОН БАЙГУУЛАЛТЫН ТАСГИЙН ДАРГА,  
ЦАГДААГИЙН АХМАД

П.МӨНХБАЯР